



107 67

107 67



Notwendige Ent-
schuldigung / vnd warhafftiger Be-
richt / der vorragten Prediger zu Bremen /
auff die vorleumbdung ihres gegenheils / Dara-
us leichtlich zu sehen / welcher theil bey der
Warheit / Augspurgischer Confes-
sion / vnd Schrifften D. Luth-
theri geblieben / oder dauon
abgetreten / vnd des
Lermens ein vrs-
sach sey.

Matth. 5. Capit.

Selig seide ihr / wenn euch die Menschen vmb
meinen willen schmehen vnd verfolgen / vnd
reden allerley Bbels wider euch / so sie daran
liegen : Seidt frölich vnd getrost / Es wird
euch im Himmel wol belohnet werden : Denn also
so haben sie verfolget die Propheten / die für euch
gewesen sind.

M. D. LXIII.

150

Handwritten text in a Gothic script, likely a list or index of contents, including names and titles.

Handwritten text in a Gothic script, possibly a preface or introductory section.

M. D. LXXXIII



Notwendige Ent-
schuldigung / vnd warhafftiger Be-
richt / der vorzagten Prediger zu Bremen /
auff die vorleumbdung vnd falsche außlage ihres gegens-
theils / Daraus leichtlich zu sehen / welch theil bey der wars-
heit Augspurgischen Confession / vnd Schrifft-
ten des heiligen D. Lutheri geblieben / oder
dauon abgetretten / vnd des Lero-
mens ein vrsach sey.

Nach dem hin vnd wider in
gankem Deutschland der erbermliche vnd
jemerliche zustandt der Stadt vnd Kircho-
en zu Bremen / erschollen / vnd auff mans-
cherley weis dauon geredt / Auch von dem
angemasten Rath daselbst schriftlich vnd mündtlich auss-
gesprenget / vnd als wenn die Prediger desselbigen samers
ein vrsache gewesen / zur Auffrhur gereiset / vnd derenthal-
ben aus gutem grunde vnd vrsachen / ihres Amptes entseo-
set. Sie aber nu gar keine verenderung in Religions-
sachen fürgenomen / Sondern ire Kirchen bis anhero bey
der reinen gesunden Lehre / auch der Augspurgischen Con-
fession vnd des heiligen Lutheri Schrifften / sampt der
Kirchen ordnung Anno 34. ausgegangen / geblieben we-
ren / damit sie denn vielen Menschen die Augen vnd Nas-
sen also auffsperrren / vnd sie verblenden / das sie sich der sas-
chen nicht gründtlich entrichten / Sondern des legens
theils lügenhafftigen berichte vnd falschem anbringen /
A 2 vntwiso

vnwissentlich glauben geben. So wollen wir hiemit der
Warheit zu stewr/ vnd den jenigen so vnrecht berichtet/
zum besten/ Zu förderst aber vnserm H Erren Jesu Chri
sto zun Ehren/ der sachen gründlichen vnd warhafftigen
bericht thun/ daraus denn jedermenniglich wird sehen vnd
klerlich befinden/das nicht wir/ sondern der gegentheil des
jamers ein vrsach sey/ Auch darbeneben das nicht wir/
sondern sie von der warheit Götliches Wortes/ Augspurs
gischen Confession/dem Catechismo/ vnd Schrifften des
heiligen vnd seligen Lutheri/vnd der Kirchenordnung abo
getreten/ Wir aber dabey geblieben sein/vnd wils Gott/
bis in vnserer Gruben hinein/dabey zu bleiben/ vnd zuuers
harren gedenccken / dazu vns denn Gott allen gnediglich
verhelffe. Amen.

Anfenglich hat es sich für etlichen Jaren / als die
Stadt Bremen in belagerung gewest / vnd vormittelst
Göttlicher hülffe/von der belegerunge erlöset worden/ zus
getragen/ Das einer mit namen Albertus Hardenberg/
in die Stadt komen / vnd von den Thumpfaffen/sür eis
nen Predicanten angenommen worden / daran fast denn
jedermenniglich gros gefallen gehabt/vnd sich desselbigen
(nach dem er hat wol können schwaken / vnd viel wort
auff der Cankel machen/vnd die Ohren füllen) höchlich
erfrewet.

Als er nu angenommen ward/hat er sich ein Jar achte
oder neune/on gefehrlich/zum Ministerio vnd zun Pres
digern in den andern Kirchen gehalten / Da er aber ges
sehen vnd gemercket/das er den gemeinen Man an sich ge
zogen / ist er im Jare 1 5 5 6. nach art vnd weise aller
Ketzer/die also/ wenn sie den gemeinen hauffen an sich ge
bracht (als der heilige Chrysof. ober das 13. Cap. Matth.
schreibet) pflegen zu handeln/heraus gefahren / vnd wider
das

das heilige Nachmal lesterwort ausgeschüttet/vñ heuffig
lich ausgespeiet/ Dagegē wir vns aus pflicht vnser besol
nen Amptes/als Diener Jesu Christi gelegt/diesem sched
lichen Wolfe/der zu morden/vnd die armen Scheflin zu
erwürgen/in den Schafstall herein gekommen / mit predi
gen / vnd vermanen/ vleissigen widerstandt gethan haben.
Dazwischen sich denn ein Erbar Rath (so ist mit vns vñ
der warheit willen im elende / deme auch Gottseliger fries
de vnd einigkeit lieb ist) geleet / vnd von vns iren Predi
canten (deren die fürnembsen auch das mehrer theils im
HERRN entschlaffen) ein bekentnis vom Abendmal ge
fordert/die wir denn schlecht vnd recht geschrieben/vnd ei
nem Erbar Rath/nach Christlichem/vnd schuldigem ge
horsam vberantwortet haben / also lautende :

Zum Ersten/gleuben/leren/vnd bekennen wir/ auff
einfeltigste / nach laut der klaren vnd deutlichen worten
Christi/ die ohne einige deutung schlecht/als sie lauten an
zunemen sindt / Das Brodt vnd Wein im Abendmal
Christi an allen orten/da dasselbige nach laut seiner ein
gesetzten ordnung vnuerendert gehalten wird/sey der wars
hafftige/wesentliche/gegenwertige Leib vnd Blut Chris
ti/für vns gegeben/vnd für vns vergossen zur vergebung
der Sünden/vnd werde nicht allein gereicht vnd empfan
gen von würdigen vnd gleubigen/ sondern auch von vnwür
digen vnd vngleubigen Christen. Denn es stehet nicht
auff Menschen würdigkeit / sondern auff Gottes Wort/
Wie denn solchs die drey Euangelisten/vnd Paulus auff
klereft leren.

Zum Andern/gleuben/leren/vnd bekennen wir/ das
nach dem Christus seiner Kirchen seinen warhafftigen
Leib/in oder vnter dem Brodt/nicht allein geistlich / son
deru auch mündtlich zu essen / vnd sein wares Blut im/
A 3 Wein/

Wein/nicht allein geistlich / sondern auch mündelich zu trincken / durch stetē gebrauch/bis auff seine letzte zukunfft hat nachgelassen/ Das ein seglicher Christ des Abendmalls offte gebrauchen/vnd des HErrn Todt dabey gedenccken solle/vnd seinen Glauben mit diesem hohen thewrbarn pfande des gegenwertigen Leibs vnd Bluts Christi / im Brodt vnd Wein des Abendmals stercken / als damit er versiegelt wird / Das Christi Leib für ihn gegeben sey in den Tode/ vñ sein Blut für in sey vergossen/zu vergebung der Sünden/ Vnd das er ein wares Gliedmas der Kirchen/vnd ein Erbe aller güter sey / die Christus durch seinen Leib vnd Blut hat erworben/ das ist /der vergebung der Sünden/vnd des ewigen lebens.

Zum Dritten/wir straffen vnd verwerffen der Sacramentirer Irthumb vnd ire meinung/ die da wollen eine figurliche rede im Abendmal haben / vnd derhalben die wesentliche vnd warhafftige gegenwertigkeit des Leibs vnd Bluts Christi im Abendmal verleugnen / vnd hie wider etliche einrede führen / Die alle von seliger vnd heiliger gedechtnis vnseren geliebten Vater in Christo D. Luthero in seinen Catechismis vnd anderen Büchern vnd Bekenntnissen / auff's statlichste widerlegt sind/ Dahin wir vns allezeit referir haben / vnd noch referirren / Wollen dennoch auff eines Erbaren Raths erforderung/vns zu weiterer erklerung verpfflicht haben.

Zum Vierden/so verwerffen vnd straffen wir auch der Papisten Irthumb/die wider den befehl vnser Herr Jesu Christi/vnd seine heilige entsetzung/das Sacrament lesterlich verkeren. Zum ersten/das sie dem gemeinen Volcke den Kelch fürenthalten. Zum andern/ das sie das Sacrament des Abendmalls auff andere breuch gezogen haben / Denn es Christus eingesetzt hat/ haben ein Dpffer für

für die Lebendigen vnd Todten daraus gemacht. Zum dritten / das sie das Brodt im Sacramentheuslein eingeschlossen vnd umbgetragen haben zum Schauspiel / so doch Christus offenbar spricht / vom essen vnd trincken seines Leibes vnd Blutes / wie die wort öffentlich lauten / Nemet / esset / etc. Zum vierden / das sie lehren / das Brodt vnd Wein im heiligen Abendmal ihr Natürlich wesen verlieren / wider den heiligen Paulum sprechende : Das Brodt das wir brechen / Ist das nicht die gemeinschafft / das ist / die austheilung des Leibes Christi. Darumb ist vnd bleibet da / Brodt vnd Wein / in vnd mit welchen der warhafftige Leib vnd Blut Christi / vns zu essen vnd zu trincken gegeben wird.

Diese vnser Bekentnisse / ist von einem Erbaren Rath / an der Sechsischen Stedte Theologen gesandt / vñ von denselbigen also der warheit gleichmessig / mit einhelliger stimme / vnd auch mit Schrifften approbiret worden / Vnd seindt solche Approbationes noch fürs handen / die auch zu seiner zeit / so es die notdurfft erfordern / können ans liecht gebracht / vnd an den Tag gegeben werden.

Dieses ist im gleichen fall von Alberto / auch vom Erbarn wolweisen Rathe gefordert worden / das er sich erkleren / vnd seine Confession schriftlich vbergeben solte / welchs er sich denn zum höchsten geussert vnd gewegert. Doch entlich etliche tuncel vnd zweiueltigige bekentnisse herfür gebracht / derer eine der andern nicht gleich gewest / doch alle ein verleugnunge der waren gegenwertigkeit / des waren wesentlichen Leibes vnd Blutes Christi im heiligen hochwirdigen Nachtmal / sampt verwerffunge vnd spötischer verachtung der Augspurgischen Confession / vnd irer Apologia / genzlich vber ein gestimmet.

Den

Denn so schreibet er in einer Schrifft Anno 57. am 30. Januarij dem Thumcapitel vbergegeben / Wo die Confession / der heiligen Schrifft gemes ist / da neme ich sie an / So sie etwa feilte / das ich noch nicht sagen kan / so halte ich nichts von jr.

In derselben Schrifft sezt er diese wort : Die Confession ist gestellet / wie es die zeit da erleiden kundte / den Keyser vnd Papst zum wenigsten zu erzürnen / oder zu gewinnen. So bitte ich man binde mich nirgend an / denn an Gottes Wort. * Was hat die Welt mehr in Irthum gefüret / denn das man etlichen Compendia folget. Das man mich aber an die Confession wolte binden / dengen / zwingen / nötigen vnd verhassten / recht ob ich meiner Lere abgefallen / vnd von den Predicanten überwunden / vnd zu jnen getreten / von meiner meinung / das kan ich noch nicht thun / Denn ich erkenne noch keinen Irthum.

* Mercke lieber Christ / wie er von der Confession redet / gerad als wens die Confessio nicht aus Gottes Wort genommen / oder darin gegründet.

Item balde darauff spricht er also : Mich düncket es sey sehrlich so eine Gemeine dahin zu vermügen / die doch das Buch nicht erkennen / vnd ist jnen je sehrlich auff anderer Leute meinung in Religions sachen die Conscientien hin zu geben.

Von der Apologia derselbigen Confession schreibet er also : Nu ist es noch viel ein anders mit der Apologia / als mit der Confession / denn auff die list der Landfriede nicht gestiffet / So heissen die protestirende nicht anders denn verwante der Augspurgischen Confession / so seind da viele newe stücke in der Apologia nachgegeben. Das wort Apologia / ist unbekant den Leuten / vnd so sie gefraoget / was heist oder ist Apologia / wüsten sie das auch nicht.
Item /

Item/ b Es sind auch viel schwere Greckische sententien/
was wil man denn so eine schwere last auff der Bürger
oder meinen Hals binden / etc.

b Non immerito reijcit Apologiam, eo quod Graeca aliquot sen-
tentiae sunt insertae, quia Hebraica & Graeca linguae bullatus hic
Doctor prorsus est imperitus.

Aus diesen vnd andern worten/die er in der anderen
Schrift/ Anno 57. den 4. Februarij vbergegeben / auch
gesetzt/ vnd wir vmb der kurze willen auslassen/ ist offeno-
bar/wie geringe er die Augspurgische Confession achtet/
vnd das er derselbigen nicht zugethan sey/die doch von al-
len Gottseligen fürtrefflichen Theologen der Kirchen in
Deutschen landen /auch von Chür vnd Fürsten/ Grauen/
Freiherrn vnd Stedten/vnterschrieben/vnd als recht an-
genommen worden ist/ vnd noch als mit dem Wort Gottes
vberein stimmende angenommen wird / Vnd wir vns für
vnseren Personen da zu allezeit bekent haben/vnd noch be-
kennen/vnd also von allen Corruptelen vnd Secten / die
der Augspurgischen Confession vnd der Apologia zu wis-
der/darunter denn Hardenberg/ einer von den fürnemb-
sten/ ganz vnd gar absondern.

In gleichen wörden hat er den vertrag Anno 36. zwi-
schen den Oberlendischen Predigern / vnd dem heiligen
Luthero vnd andern Theologen auffgerichtet/ gehalten/
darinne sie bekennen/das mit dem Brodt vnd Wein wars-
hafftig vnd wesentlich fegenwertig sey/gegeben vnd genos-
men werde/der ware Leib vnd das Blut Christi / Wie denn
der ganze handel vleissig von dem Herrn Doctor Ludouis
co Rabus/in seinen Romis Martyrum beschrieben wird/
welchen der lügendeist Hardenburg in einer Schrift dar-
umb das er kein Einglianer gewest / sondern der warheit
zeugnis gibt) für einen vntrewen Historiographum aus-
zuschreiben sich nicht schewet.

W Nie

Mit diesen vnd dergleichen stücken/darmit er vmbge-
gangen/vñ die Augspurgische Confession getadelt/hat ein
Erbar Rath nicht können/wie billich/ zu frieden sein/
Doch haben ihre Erb. weisheiten Albertum freundtlich/
vmb friede vnd einigkeit in ihrer Stadt zuerhalten/ vnd
zwispalt zu meiden/ die Augspurgische Confession vnd
Apologiam (zu vnterschreiben fürgestellet/ mit angestalt-
ter gelübnis vnd zusage) das sie ihn damit hin fürder für-
hren Bruder annemen wolten/ des er sich auch genzlich
geuuffert/vnd gesaget/das er ime seinen verstandt fürbe-
halten wolte/welchen er denn zum offternmahl von der
Canzel hat herausgespeiet/ vnd auch schriftlich vberge-
geben/ das nemlich der Augspurgischen Confession vnd
Apologia meinunge sey/ Das vns mit Brodt vnd Wein
der ware Leib vnd Blut werde ausgeteilet/ Das Brodt
verstehe im gebrauchte / panis quem frangimus (denn so
spricht er) sey die gemeinschafft des Leibes/das ist / Ius &
societas in corpore Christi. Das aber das die meinung
nicht sey/vnd der heilige Man Gottes D. Lutherus/ der
sie gemacht/ sampt den andern Theologen/auff diesen ver-
standt nicht gedacht haben/ Das bezeugen ire eigene ges-
druckte ausgegangene Schriffte/ auch die wort so in der
Apologia gesezet werden/ die also lauten: Der zehende
Artickel ist angenommen worden/ in welchem wie bekens-
nen/das im Abendmal des HEILIGEN/ warhafftig vnd
wesentlich/ der Leib vnd Blut Christi gegenwertig sey/
vnd werde warhafftig gegeben mit den dingen/die da gese-
hen werden/ nemlich mit Brodt vnd Weine/ den die das
Sacrament empfangen.

Diese seine obgesezte meinung seket er auch im Scrip-
to Anno 57. am 30. Januarij vbergegeben/ vnd saget/
Das se vnd alle wege seine meinung sey gewesen/ Das
Como

Communio bey S. Paulo/so viel heißen/ als Ius & Societas in corpore Christi, &c. Vnd das er diesen seinen falschen verstandt möchte erhalten/so hat er darzu/als den zum offternmal von jme in den gemeinen Predigten die er gethan/gehöret worden/die gleichnissen/vom acker/trenninge/von der Sonnen/vom Scepter/etc. vnd andere die in Zwingels Epistola/Anno 30.an die Chür vnd Fürsten auff den Reichstag zu Augspurg geschrieben / damit er auch als ein Kezer verdampt ist worden / gelesen werden / gebraucht. Item/ auff das hefftigste gestritten / das der Priester nicht den schlecht Brot vnd Wein darreiche. Item/ das auch die vnwürdigen nichts den schlecht Brode vnd Wein empfahen/ Wie er denn solchs auch in seinem losen faulen Buch/welches vnter dem namen seiner zuhörer/ dorunter der jßige angemaste selbst erwachsene Rath gehöret/ausgegangen/bekennet. Also schreibet er auch in einer Schrifte/ Anno 59. den 9. Junij/ dem Capittel vbergeben / Das nicht der ware Leib Christi im Abendmal gegenwertig sey/ sondern der Sacramentliche Leib/ das ist/ Brodt vnd Wein/wie er sich selbst erkleret. Item/ so spricht er auch in einer Lateinischen Epistola / dem Thumbcapittel vbergeben : Dixi quod sentio panem in esu Coenæ esse uerum Christi corpus sacramentaliter, quod fides per illud idem Sacramentum regenerato nostro homini offert substantialiter & naturaliter edendum. Diese Definitio ist falsch. Denn zum ersten stimmet sie nicht vberlein mit der Lehr Christi. Zum andern redet sie alleine von geistlichem essen des Leibes Jesu Christi/vnd verwirffet das mündtliche essen vnd trincken/ als er denn weiter spricht : Die distinctio geistlich vnd mündtlich neme ich nicht an / so doch diese distinction in den wörtern Christi gegründet / vnd oft von den Patri-

bus/vnd Luthero/ als hernach wird gesehet werden / ge-
braucht wird. Also hat er das Brodt des heiligen hochs
würdigen Abendmals/da der HERR von spricht/ Das
ist mein Leib/in einer gemeinen Predigte / ein arm leys
ken Brodtes/vnd das wort/da der HERR von spricht/ Wer
mein Wort wird halten / der wird den Tode nicht sehen
ewiglich/ die hülfsen/den verstandt aber die kernen geneno
net/ Auff das er also seinen zuhörern /vnd den armen ges
meinen Manne seinen falschen vnd Schwermerischen
verstandt / von den einfeldigen worten Christi / Das ist
mein Leib/ das ist mein Blut/möchte einpflanzen vnd ein
bilden/etc. So nennet er auch in einem Brieffe/welchs
original wir haben vnd darthun können/ des heiligen Lus
theri Confession vom Abendmal horridam confesio
nem. Also hat er sich auch vnterstanden/diesen Irthumb
(wie er denn mit etlichen aus vnseren mittel / auch mit
fremdden Predigern hefftig dauon gedisputiret) das die
Kindertauffe in der not von Frawen geschehen / von kei
ner werde sein soll/ Wie denn die irigen Prediger zu
Bremen denselbigen Irthumb mit iren Preceptore Har
denbergio auff das hefftigste noch verteidigen. Es hat
auch derselbige Hardenberg irgend zween Brüder/welche
alle beide Magistri sind/vnd der einer ein Prediger / vnd
der ander ein Rath verwanter/diese worte geredt: Ver
bum substantiuum, Est, in uerbis Coenæ posset accipi
pro significat, nisi tam odiosum esset uocabulum, &c.

Hie ist nu ein Erbar Rath (ausgenommen Daniel
von Bueren/ Brandt / Basmars / Keiners / die es mit
Hardenberg gehalten/ vnd noch halten) als diese ding so
fürgelauffen/in grosse beschwerung gekomen / vnd haben
fast wege vnd mittel gesucht / das angezündte Feuer aus
zuleschen/vnd zu weiterer Ehrtslicher erörterunge der sa
chen//

chen/ vnd Gottselige einigkeit zu pflanken/ bey den benach-
barten Stedten sich bearbeitet vnd erlanget / das dieselbis-
gen ihre Theologos haben in die Stadt Bremen gesandt/
vnd seind zu der behuff / die Erwürdigen vnd Hochgelar-
ten/ vnser liebe Herrn Bettern vnd Brüder in Christo/
Herr Joachim Mörlin/ Superintendens der Kirchen zu
Braunschweig/ Herr Paulus von Eizen / Superintens-
dens der Kirchen zu Hamburg / Herr Conrad Becker/
Superintendens der Kirchen zu Stade/ alle drey der heis-
ligen Schrifft Doctoren/ auff eines Erbaren wolweisen
Rathes vnkosten herein gekommen/ ein freundliches Collo-
quium vnd Bespreche mit dem Hardenbergio zu halten/
zu welchem Colloquio er denn auch durch die Secretarien
eines Erbaren Rathes ordentlichen vnd gebürlicher
weise geheischen vnd geladen worden ist/ vnd darzu ein tag
ernennet/ auff welchem das Colloquium auff dem Rath-
hause sollte gehalten werden.

Auff diesen ernenten vnd angesetzten tag/ ist ein Ero-
bar Rath auff das Rathaus komen/ vnd etliche aus der Ge-
meine dabey genommen/ der verhoffung/ das Hardenberg er-
scheinen würde (wie er sich denn zum offternmal von der
Canzel hette lassen hören / das er sich von einem Kinde
von sieben Jahren wolte lassen vnterrichten) vnd das etwas
gutes sollte ausgerichtet werden. Hie sind wir Prediger
gehorsamlich erschienen/ vnd vns zur verantwortung vnd
defension vnser Lehre vnd Confession eingestellet/ vnd ist
dazu aus vnserm mittel von wegen vnserer allen/ der Ero-
würdige Hochgelarte Herr Tilemannus Heshusius / der
heiligen Schrifft Doctor (der von einem Erbarn Rath
für einen Superintendenten war beruffen / aber das
Ampt/ von wegen etlicher wichtigen vrsachen / nicht hat
wollen annemen) darzu erwelet worden/ Vnd ist D. Har-
denberg

denberg etliche mal peremptorie zu erscheinende citirt worden/ Aber er als ein vngehorsamer ist ganz ausgeblieben vnd nicht erschienen. Daniel von Bueren aber Bürgermeister/ als des Hardenburgers fürnemster Patron / hat sich des Hardenburgers auff dem Rathhause angenommen/ sich auff des Hardenburgers stul gesetzt/ vnd für inen antworten wollen / aber mit seinem Preceptore Hardenbergio/ als ein Einglianer vnd Sacramentirer vberzeuget worden/ wie denn alle Acta noch furhanden/ vnd zu seiner zeit noch können an den tag gegeben werden/ damit sie ein jeder sehen vnd lesen müge. Vnd ist also das Colloquium vnfruchtbarlich mit vnseren vnd eines Erbaren Raths höchsten schmerzen vnd widerwillen abgegangen.

Als nu solchs geschehen/ hat sich D. Albertus nicht lassen setigen/ sondern ist je hefftiger vnd hefftiger in seiner Schwermerey fort gefaren / vnd sich vom Erbaren Rathe (von welchen er nicht wenig guts hette empfangen) ganz abgesondert / die obgenanten Theologen (denen er doch das Wasser zu reichen nicht wirdia) auff das hefftigste / in seinen öffentlichen Predigten/ sampt vns den armen Predigern geschmehet vnd verunglimpffet/ auch auff rührischer weise/ wider einen Erbaren wolweisen Rath in gemeine/ vnd sonderliche Personen/ mit grosser vngestimmigkeit vnd verachtung / vnd bitterhönischen worten/ auch auff andere hohe Potentaten / löbliche Herren vnd Regenten / die der Zwinglischen vnd verdampften Kereyen zu wideren gehandelt/ vnd zur auffruhr gehet/ vnd grossen lermen in der Kirchn angerichtet/ so das beide Rath vnd Prediger/ in grosse gefahr Leibes vnd Lebens gestanden sind / Denn man hat vns beide Thüren vnd Fenster im Hause entzwey geschlagen / vnd geworffen/ vnd fast nach dem Leben getrachtet / vnd mit bloßer

Wehr

Weyr auff der gassen angerent / mit steinen geworffen / vñ
ist einer darnach zu bodem geschlagen von Wasmer / der
ist wider Gott vnd recht / durch auffrhur darzu gekomen /
das oberste Regiment in der Stadt hat.

Dagegen wir allezeit zum Gebete / zur einigkeit / ges
horsam / vnd bdstendigkeit / in angenomener erkantter vnd
bekanter Warheit / vnd sich für auffrhur / vnd für den fals
schen Lehrer zu hüten / vermanet / vnd keinerley vrsach zur
vneinigkeit / vngehorsam / auffrhur / oder einiger empörung
gegeben haben / wie vns das alle frome herzen vnd wars
hafftige Christen hier vnd hernachmals für dem Nichtstul
Jesu Christi / sollen vnd müssen zeugnisse geben.

Wes aber Albertus durch seine grosse vngestümig
keit vnd manichfeltige widerholung der Zwinglischen Kes
heren vnd Irthumb / nicht hat können in der Stadt zu
wegen bringen / vnd felschlich auff vns laden / hat er mit
Schriften / die er an etliche Gelerte / derer original vnd
Copien wir bekommen / vnd auch zu seiner zeit können bes
weisen / geschicket / auff das tapfferste mit grosser vnwar
heit gegen vns fort gesezet / vnd vns / vnd unsere damals
befohlene Kirche schendlich diffamiret vnd verunglimpf
et / Als solte von vns das anbeten des Brotes / Item / die
verwandlung des Brodtes geleret werden / vnd wir das
Wapstumb zu bestetigen geneiget vnd gesinnet sein /
Item / als solten wir lehren / das der Leib Christi im Him
mel vnd Erde schwebete / Item / als solte die Menschheit
von der Gottheit verschlungen / vnd unsere streit nicht von
den worten des Abendmals / sondern alleine von der ges
meinten (wie es Hardenberg nennet) vbiq̄uitet seind / wie
den eingedrungenen auffrührische Rath vnuerschempt
auch darff fürgeben (wie zu Goslar auff den Keyserlichen
Commissarien tag geschehen) vnd da zu den Herren An
sterodanum

sterodanum (seligen) vnd seine Farraginem zum zeugnisse
herein füret/ etc. mit mehrern vnd falschen aufflagen.

Darauff wir antworten / das wir stets vnd allezeit
nach den schrifftten der Propheten vnd Aposteln / nach
den dreyn Symbolis / Item nach der Augspurgischen
Confession vnd Apologia/nach den Smalkaldischen Ar-
tickeln/ D. Lutheri seligen schrifftten vnd Catechismis/
desgleichen nach dem Regenspurgischen Artickeln vnd
Confessionibus der Sechsischen Kirchen/ Auch den Ar-
tickeln zu Lüneburg Anno 61. ausgegangen/welchen wir
auch subscribiret /geleret haben/ vnd noch leren/ nach laut
des buchstabens/vñ keine frembde vnd falsche deutung den
angezogenen schrifftten anhängen vnd darinne machen/
wie der Kottengeist Hardenberg thut. Derhalben wir
verfluchen vnd auff das höchste als eine Heidnische Ab-
götterey verdammen / das anbeten vnd das verwandeln
des Brots/dafür wir allezeit ein abschew gehabt vnd noch
haben / denn wir Gott lob aus der heiligen schrifft/ vnd
vom heiligen Manne Gottes D. Luthero haben gelernet/
das das Papstthumb in diesen vnd andern stücken vom
Teufel sey.

Das wir aber in vnser droben gesezten bekenntnis ha-
ben diese form zu reden gebraucht/das das Brot sey der we-
sentliche Leib Christi/ Ist nicht vmb dieser ursache ge-
schehen / das wir die Transsubstantiation (wie man es
nennet)verteidigen wolten / Sondern vmb vnseris wi-
derwertigen willen / welcher / als droben angezeiget / sagt
das das Brodt sey ein Sacramentlich/aber nicht der war-
hafftige Leib. Derhalben haben wir / vmb mehrern ver-
stand vnd verklarunge / von was Leibe der H E X X E
spreche/solche forme zu reden / die auch in des Heiligen
D. Lutheri / vnd andern Schrifftten gelesen werden / vnd
in der

in der heiligen Schrift gegründet gebraucht/ vnd scois
pham scapham genennet. Vnd wollen zu der behuff etz
liche sprüche hie her setzen / daraus ein jeder sehen vnd ers
kennen sol/ das vnser bekentnisse nicht newe/ sondern zu
uorn von den Betern vnd dem heiligen Luthero / vnd ans
deren/ diese form ist gebraucht worden/ vnd in iren schriff
ten gegründet.

Justinus in der andern Apologia/ das ist beschük red
de für die Christen / spricht also: Wir empfahen diese
speise nicht als ander gemein Brodt / sondern als vnser
Heiland Jesus Christus / welcher durch Gottes Wort
Mensch worden / fleisch vnd blut / vmb vnser Seligkeit
willen gehabt. Also haben wir geleret/ das die speise wels
che gesegnet wird / durch das Gebet seines worts / das er
darüber gesprochen / welche auch sonst verendert / vnser
fleisch vnd blut nehret/ das die speise desselbigen Jesu Chri
sti (der warer Mensch worden ist) fleisch vnd blut sey.

Ambrosius in Epist. ad Iren.

Das Brodt im Nachtmal ist der leib von Marien
der Jungfrawen angenommen.

August. in sermone ad Neophytos

Das empfahet im Brodt/ das am Creuze gehangen
hat/ vnd das empfahet im Kelche/ das aus Christi seitten
gestossen ist.

Theophilact. oder Vulgarius in 16. cap. Matth.

Das Brodt/ das auff dem Altar gesegnet oder geheis
liget

liget wird/ ist der leib des H E R R N / vnd keine Figur
oder zeichen des leibes / Denn der H E R R spricht nicht/
es ist ein Figur meines leibes/ sondern es ist mein leib.

*Noch derselbige in 10. Cap. der
Ersten zum Corinth.*

Das Blut/das im Becher ist / ist das Blut das aus
der seiten Christi geflossen ist / Vnd bald darauff spricht
er/ Was ist das Brodt? Es ist Christi leib.

Bernandus in Sermon. de caena Domini.

Das wir sehen/ist gestalt Brodtes vnd Weins/ Das
wir aber vnter gestalt Brodtes vnd Weines glauben/ ist
der ware leib vnd blut. Christi.

August. contra Aduersarium Leg. & Proph.

Der Mittler zwischen Gott vnd den Menschen/ Jes
sus Christus/ hat vns sein fleisch zu essen / vnd sein Blut
zu trincken gegeben/mit glaubigen herzen vnd munde zu
empfangen.

So spricht auch Gregorius/wie der heilige Lutherus
den spruch citiret in seiner grossen Bekentnisse/ fol. 225.
Tomo 2. Witeb. Das Blut Christi wird in der Glaubig
gen munde gegossen.

Also schreiben die Väter auch von den würdigen vnd
vnwürdigen/das nemlich nicht alleine die würdigen / son
dern auch die vnwürdigen den waren leib vnd blut empfan
gen. Item / das wir nicht alleine durch den Glauben
geistlich/wie der lügendeist Hardenberg lallet / Sondern
auch

auch mündtlich denselbigen leib vnd blut empfaben / essen
vnd trincken.

**Cyprianus im Buch von den abfels-
ligen Christen / spricht also.**

Wenn sie wider komen von des Teufels Altar / so kom-
men sie her zum Heiligthumb des HERRN / mit vnflēs-
tigen henden / die noch stincken vom Opffer gereuche / vnd
von der giftigen speise der Bösen / vnd wollen an den leib
des HERRN mit dem munde der noch stincket von irer
vbelthat / verachten alles was S. Paulus da wider saget /
I. Corinth. 10. vnd 11. Sondern thun freuentlich gewalt /
an seinem leib vnd blut / vnd sündigen nu mit handt vnd
munde / schwerer wider den HERRN / denn da sie ihnen
verleugten.

Augustinus contra Fulgent. Donatist.

Judas der Verrether Christi / hat den guten leib / vnd
Simon Magus / die gute Lauffe Christi empfangen /
Aber nach dem sie des guten nicht recht haben gebraucht /
sondern als böse des guten vbel gebraucht / seindt sie vmb-
komen.

Gregor. lib. 4. Dialog.

In den Sondern / vnd den jenigen / die es vnwürdig
empfaben / ist Christi leib vnd blut / aber nach dem wesen /
vnd nicht nach der heilsamen krafft.

Theodoretus I. Corinth. II. Capit.

E 2

Der

Der HERR hat nicht allein den eilff Aposteln/son-
dern auch dem verreicher Judas sein tewrbar leib vnd blut
gegeben.

Von den Priestern oder Dienern spricht der heilige
Chrysostronus in Matth. Cap. 14. Homil. 51. Wenn du
siehest/das dir der Priester den leib vnd blut Christi aus-
theilet/ soltu es dafür halten/nicht als wenn der Priester/
sondern Christus seine handt zu dir ausreiche. Dasselbis
ge kan auch aus der Augspurgischen Confession/beweiset
werden/aus dem Titel von der Messe / das der Priester
nicht alleine Brode vnd Wein / sondern auch leib vnd
blut des HERRN austheile.

Dieser vnd dergleichen Sprüche sind hin vnd wider
in den Veteren sehr viel verhanden / Wie denn auch der
Veter sprüche newlich durch den Herrn Joachimum
Westphalum/ getrewen diener Jesu Christi/ vnd Pasto-
ren der Kirchen zu Hamburg/mit allem vleisse/wider den
lesterer vnd schender des Testamentes Jesu Christi Calo-
uinum/auch in seiner Bekennnisse / zu Wormbs offerirt
seind zusammen bracht. Derhalben wir es für vnndötig ers-
achten/solche sprüche nach der leng zu erholen. So viel
aber die Sprüche der Veter / die die Sacramentirer
für sich aus den heiligen Veteren wollen gebrauchen / bes-
langet/seind also vom heiligen Luthero / vnd dem Herrn
D. Tilemano Heshusio/ M. Joachimo Westphalo/ vnd
andern verfleret worden/vnd diese vnserer Lehre bestetiget/
Das es von keinem Sacramentirer kan oder mag vmb-
gestossen werden/dahin wir vns denn wollen referirt ha-
ben. Nu wollen wir weiter des heiligen Lutheri / vnserer
lieben Preceptoris vnd Vaters in Christo zeugnisse ho-
ren.

D. Luth.

**S. Ruth. im Buch vom anbeten des
Sacraments/ ad Valdenses.**

Nemet hin vnd esset / Item hie sind die wort dürre
vnd klar/ das nicht der geistliche leib/ sondern sein Natür-
licher leib da sey/ Denn der geistliche leib ist nicht für vns
gegeben/ sondern sein Natürlicher leib.

**In seiner grossen Kirchenpostill/ vber die
Epistel am Sontag Septuagesime.**

Also mustu die wort dir nicht lassen nemen noch vers-
keren/ Das Brodt ist mein leib/ nicht das sein leib durch
das Brodt bedeutet werde/ wie sie fürgeben / Sondern
stracks wie die wort lauten/ das Brodt ist wesentlich
vnd gegenwertig da mein leib / Denn es gilt niche
die Schrifft zwingen aus eigenem kopff. Sondern man
müste mit öffentlichem Text beweisen/ das das wort wes-
sen/ so viel sey als bedeuten / etc.

**In der Hauspostill in der ersten
Leichpredigt.**

In dem Abendmal vnsers HERN Christi isset vnd
trincket man den leib vnd das blut Christi wesentlich
oder leibhaftig/ wenn man das Brodt isset / vnd von
diesem Kelche trincket/ Denn also spricht Christus selbst/
den dürffen wir nicht lügen straffen.

**In der kleinen Bekenntnisse
vom Abendmal.**

E 3 Ich

Ich wil mit irer keiner einigerley gemeinschafft haben weder mit Brieffen/schriefften / Worten oder wercken/
Wie der HERR gebet/Matth. 18. er heisse Stenckfelt/
Zwingel/oder wie er wolle/Denn ich rechen sie alle in einen Kuchen/wie sie auch sind / die nicht glauben wollen/
das des HERRN Brodt im Abendmal sey sein rechter Natürlicher Leib / welchen der Gottlose/oder Judas / so wol mündtlich empfahet als S. Petrus / vnd alle Heiligen.
Wer das sage ich nicht wil glauben / der lasse mich nur zu frieden/mit Brieffen/schriefften oder Worten / vnd hoffe bey mir keiner gemeinschafft/da wird nicht anders aus.

In der grossen Bekentnisse.

Dieweil im Abendmal nicht mehr denn die eine rede stehet/so vom wesende redet/ Nemblich/das ist mein Leib/so mus es von einem wesentlichen Leibe geredet sein.

In der Bekentnisse seines Glaubens.

Eben so rede ich auch vnd bekenne das Sacrament des Altars/ das daselbst warhafftig der Leib vnd Blut im Brodt vnd Wein/werde mündtlich gessen vnd getruncken/ob gleich die Priester so es reichen/ oder die so es empfangen/nicht glauben/oder sonst misbrauchen/ Denn es stehet nicht auff Menschen Glauben oder Unglauben/ sondern auff Gottes Wort vnd Ordnung/ etc.

So spricht auch der Durchleuchte vnd Hochgeborne Fürst vnd Herre/Herr Georg Fürst zu Anhalt/etc.in seinem Buch vom Sacrament des Leibes vnd Blutes Christi

fti/ Das die meinung der wort Christi sey/ vnd der rechte
verstand/ Das Brodt das ich euch darreiche mit leiblich
chem munde zu essen / ist wesentlich vnd wahrhafft
tiglich mein leib.

Vom Geistlichen vnd mündlichen essen vnd trincke
en des leibes vnd blutes Christi/ lies die grosse Bekentnis
se D. Lutheri wider den Decolampadium / in der verkle
rung des spruchs Christi / Fleisch ist kein nuse/ Johan.
6. & alibi in multis locis.

Ferner dieweil sich der gegentheil auch auff die Kirch
enordnung der Stadt Bremen/ Anno 34. ausgegangen
berufft/ wollen wir derselbigen zeugnisse auch hören/ Den
vnsere Bekentnisse darinne ganz vnd gar ist gegründet/
vnd wir derselbigen nichts zu gegen geleret haben / Aber
des gegentheils lehre vnd Bekentnisse gar vnd ganz dar
inne verworffen vnd verdammet ist/ wie aus nachfolgende
den worten solchs zu sehen.

D 7. stehen diese wort/ Die speise vnd tranck des
HERREN Tisches oder Altars ist Christi warer leib vnd
blut/ in vnd mit dem Brodt vnd Weine/ in einer Sacra
mentischen einigkeit/ gleich wie Gott ist mit vnd in dem
Menschen Christo/ in einer Persönlichen einigkeit/ das
genennet wird ein Sacrament / dos ist ein heimlich ver
borgen ding/ weil im Brodt der leib Christi ist zu essen/
vnd im Weine ist das blut Christi zu trincken / doch vns
sichtbarlich vnd verborgen/ das es heisse mysterium fidei.
ein verborgen ding des Glaubens/ der sich alleine auff die
se sache verstehet/ nach laut der worten Christi/ als die Eu
angelisten schreiben/ Das er habe Brodt genommen vnd ge
sprochen / Nemet/ esset/ das ist mein leib/ Das / nemlich
dis

dis Brode/als er darnach spricht/ von dem trancke / Trinken
cket alle daraus/das ist mein blut/etc.

So wird das wörtlein Gemeinschaft daselbst auch
verstanden vnd ausgelegt von dem ausgeheilten leibe
Christi/wider den falschen verstand des Hardenbergers/
vnd seiner Kotten des eingedrungenen vnd angemasteten
Kathes/vnd ihres anhanges zu Bremen/Also wird es auch
von dem Luthero im Buch vom anbeten des Sacramen-
tes. Item im vnterricht der Visitatoren an die Pfar-
herrn im Churfürstenthumb zu Sachsen/etc. vnd anders
wo das wörtlein Gemeinschaft nicht de iure & societas
te corporis. Sondern von dem ausgeheilten leibe Chris-
ti verstanden vnd ausgelegt / Wie denn daselbst auch ge-
sagt wird/ Das im Brodt der warhafftige leib / vnd im
Wein das warhafftige blut Christi sey.

Weiter wird auch in angezogener Bremischer Kir-
chenordnung klerlich geschrieben / Das Christus vns
durch die handt des Dieners / nicht alleine Brode vnd
Wein (wie der Hardenberg vnd seine Kotte spricht) son-
dern seinen waren leib vnd blut / vn sichtbarlich im sicht-
barlichen Sacramente gebe zu essen vnd zu trincken.

Es wird auch D. ultimo der Tropus in den worten
Christi ganz verworffen/vnd gesagt/ Das das Brodt im
Abendmal vnd der Wein sey Christi leib vnd blut/ohn als
le figürliche rede/wie es sich denn gezieme/ das ein Testa-
ment so deutlich werde gemacht / das es jederman verstes-
hen vnd vernemen könne.

Also wird auch vom geistlichen vnd mündlichen es-
sen vnd trincken geredet vnd geschrieben. G. B.

Item von den die es vnwirdig empfahen zu ihrer ver-
damnisse wird balde im nachfolgendem blat geschrieben.

Also ist unsere Bekentnisse in den worten Christi/
den

den Vetern vnd D. Lutheri schrifften gegründet/vnd wir
als einfeltige demütige Jünger Jesu Christi bleiben bey
den Worten Christi schlecht vnd recht / vnd nemen sie an/
ohn einige Glosse/ wie sie lauten/vnd wir in vnser Bekent
nisse gesetzt haben/auch die Kirchenordnung leret. Denn
als der heilige Augustinus spricht/Figura nihil probat,
Darumb uerba Grammatica die thuns/ figura thut es
nicht vberal. Vnd halten hie die Regulam des heiligen
teurbaren Mannes Gottes D. Lutheri/ Man sol nimer
mehr von einer gemeinen alten deutung eines Wortes treta
ten/vnd neue deutunge annehmen/es zwingt denn der text
vnd der verstand / oder werde aus andern orteren / der
schrifft mit gewalt beweiset/sonst würde man nimmermehr
gewissen Text/verstandt/rede noch sprache behalten.

Dieweil denn nu kein Text oder schrifften / aus der
ganken Bibel können herfür gebracht werden / die den
worten des Abendmals zu wider sein/ oder sagen / Das
das Brodt nicht Christi warer leib sey / vnd der Wein
Christi wares blut/ So folget vnwidersprechlich/das die
worte schlecht wie sie lauten/ohne einige bedeutung müß
sen vnd sollen angenommen werden / vnd das der erdichte
Tropus keinen platz hie finden noch haben mag.

Aber hie komen vnser Schwärmer / vnd schreien
flugs wider vns/ sol man bey den Worten schlecht vnd recht
bleiben / Worumb behaltet jr denn nicht die Formulam
vom Sohne Gottes fürgeschrieben / Denn jr sagt / das
das Brodt sey Christi wesentlicher leib/ Item/im Brodte/
vnter Brodte/ mit Brodte/ etc. Antwort.

Das wir das wörtlein wesentlich gebrauchen / dazu
zwinget vns der Text/Denn der Text lautet also/Nemet/
esset/das ist mein leib/etc. Hie stehet im ISE / das mus
(wie droben gnugsam aus den Vetern vnd Luthero bewei
set)

sey) vom wesen reden. Ist also das wörtlein wesendlich/
im Texte gegründet.

Das wir auch sagen/im mit oder vnter dem Brodte
geschichte erstlich gegen die Transsubstantiation / die wir
(wie droben angezeigt) nicht halten / Sondern verwerf-
fen als den worten Christi/Pauli/ vnd allen Gottseligen
Lehrern zu wider.

Zum andern auch darumb / das wir damit vnsern
Glauben bekennen/das Christi leib warhafftig im Abend
mal sey. Vide magnam Confessionem Luth Tomo 2.
Viteb. fol. 167.

Hie schreien sie abermals gegen vns / Sol man ganz
keine dentunge annemen/so wird hiemit die gabe der aus-
legung verworffen / Wird doch anderswo die auslegung
zugelassen / wie denn der Hardenberg gemeiniglich das
Argument/gegen vns auff der Cankel/auff das er dem ar-
men einfeltigen Manne seinen falschen verstandt möchte
einpflanzen/hat gebraucht.

Hierauff antworten wir mit dem heiligen Paulo/
Hat jemand Weissagung/so sey sie dem Glauben gleich/
Rom. 12. Das ist/wie es D. Lutherus ausleget / die jenig-
en so gnade haben / schrifft auszulegen / sollen zusehen/
das sie also auslegen/das es sich mit dem Glauben reime/
vnd nicht wider noch anders als der Glaube helt lehre / So
spricht Paulus auch 1. Corinth. 3. Das der grundt gelegt
sey/vnd niemand einen andern grundt legen müge.

Dieweile denn vnser Glaube helt/vnd das wort leret/
das das Brodt im Abendmal sey Christi warhafftiger
wesendlicher leib / vnd der Wein sein warhafftiges blut/
für vns gegeben / vnd zu vergebung vnser Sünden vers-
gossen/können wir hie anders keine auslegung zulassen/
die vnserm Glauben vnd den worten zu wider sey / Sono-
dern.

bern behalten die Auslegung vnd den verstand / die dem
Glauben gleich ist / vnd den die worte geben / Das ist mein
leib / Was für ein Leib? Nicht ein Sacramentlich (wie
der Schwermer Hardenberg schreiet) auch nicht ein fü-
gurlich oder bedeutlich Leib / sondern das der für vns (wie
gesagt) gegeben wird / etc.

Den Artikel den Leib Christi angehende / geschicht
vns gewalt vnd vnrecht für Gott vnd allen Menschen /
Denn wir haben niemals geleret / das der Leib Christi von
der Gottheit solte verschlungen sein / oder im Himmel vnd
Erden schweben. Sondern das Christus mit seinem Na-
türlichen waren leibe vnd blut / für vns gegeben / vnd für
vns vergossen / in allen Abendmalen / das es nach laut der
wörter recht gehalten wird / gegenwertig sey / wie droben
gnugsam beweiset.

Ist derwegen vnser streit nicht von der vbiq̄uitet (wie
der Hardenberg sampt dem vermeinten Rathe zu Bres-
men vnuerschempft fürgibt) sondern vnser streit ist fürs
nemlich vnd eigentlich von des HERRN worten / Das
ist mein Leib / das ist mein blut / das dieselbigen vnerruckt /
vnuerendert / vnuerfalschet bleiben / vnd derselbigen rechter
verstand auff vnser Nachkömlinge möchte geerbet vnd
gebracht werden / Welchen rechten vnd einfeltigen ver-
stand / vns vnser vnd des Herrn Christi widersacher Har-
denberg / zu neinen durch seine falsche Glosse vnd deutes-
ley gedacht / Derhalben er alle zeit die Disputation von
der vbiq̄uitet vnd eigenschafft der beider Naturen mit her-
ein gemenget hat / auff das er möchte diese seine Negatio-
nam verteidigen vnd erhalten / Christi Leib vnd blut kan
vnd wag nicht in allen orten da das Abendmal gehalten /
gegenwertig sein / vnd also durch diese seine Negatiuam
ausflucht suchen vnd kriegen.

So diel aber nu die vbiquitet angehet / damit vnser
Widersacher so hart vns dengen/ vnd gerne von der ba
nen abfüren wolten/ geben wir diesen bericht/ sagen vnd be
kennen offenbar/ mit dem heiligen Luthero / das hier von
der vbiquitet oder von allenthalben zu sein/ nicht sol ges
disputirt werden. Christus hat gesaget / er wolle da sein/
darumb ist er warhafftig im Sacrament / vnd dazu leibo
lich/ darumb ist er warhafftig da/ Vnd sol auch keine ande
re ursache solcher leiblicher gegenwertigkeit gesucht wer
den/ denn diese/ Die wort lauten also/ darumb mus es also
so geschehen/ wie sie lauten / Was aber den leib belanget/
kan Christus/ wenn er nur wil/ allenthalben oder an allen
orten sein/ Darumb hat es eine andere meinunge mit sei
nem vnd vnserm leibe/ etc.

Von den beiden Naturen in Christo vnd irer eigens
schafft/ haben wir geleret vnd leren noch / Das Christus
zwo unterschiedliche Naturen/ als Göttliche vnd Mensch
liche habe/ vnd das ein jede ire eigenschafft habe vnd bes
halte/ doch also/ das sie nicht können oder mögen getren
net/ oder geteilet werden/ wie denn dieser Artickel von den
Vetern gnugsam wider die Kesser verfehlet vnd verfleret
worden. Verdammen also vnd verfluchen in Gottes
namen/ alle die jenigen/ so hie wider geleret haben/ vñ noch
lernen/ als den. Hebionem/ Eherintum/ Arium/ Manicheo
um/ Marcionem/ Valentinianum/ Apollinarem/ Nesto
rium/ Eutychem/ Praxeam Samosatenum/ Seruetum/
Stenckefeldium / Cinglium/ Mennonem/ Osiandrum/
vnd alle andere/ wie sie können oder mögen genennet wer
den/ vnd wollen vns zu diesem beweis nicht alleine auff
die schriften der heiligen Vetern/ darinne sie diese erzelte
Keserrey gewaltiglich haben refutirt / Sondern auch auff
die schriften des heiligen vnd seligen D. Lutheri/ fürnemo
lich

lich aber auff die auslegung des 53. Capitels Esaie/ Item
auff das Buch de Concilijs. Auch die Positiones des Er
würdigen vnd Hochgelarten vnsers geliebten Herrn D.
Mörlini/ wider den Hardenberg/ vnd andere Secten aus
gegangen/ Auch auff den Tractat / de communicatione
Idiomatum, des Herrn M. Martini Kemnitij/ referirt ha
ben/ welchen schrifften wir mit handt/ munde vnd hertzen
vnterschreiben.

Ist derhalben eine grosse vnuerschempfte vnd Teuffli
sche lügen/das der Hardenberg von vns solchs hat in die
Welt sprengen/vnd an feine gelerte Leute schreiben dürff
fen/ Vnd das es war sey/ das er das gethan/ können wir/
wie droben angezeigt/mit seiner eignen handt bezeugen/
vnd wird ohn allen zweuel/der frome Gott im Himmel/der
das recht lieb hat/vnd die vngerechtigkeit hasset / solch lü
genmaul ein mal straffen / Wie denn geschrieben stehet/
Psalm. 5. Du HERR bringest die Lügner omb/etc.

Ferner so viel den Herrn Amsterodamum (seligen)
angehende vnd sein Buch/geben wir diese gezeugnisse für
Gott vnd der ganzen Welt / das der Herr Amsteroda
mus/als einem Gottseligen getrewen Diener Jesu Chri
sti zugehört/ sich zu Bremen gehalten / vnd sein Ampt
trewlich hat gefüret/vnd nicht er / sondern Hardenberg/
ein anfenger des Lermens gewesen/vnd erstlich die Dispu
tation vom Nachtmal auff die bane hat gefüret / welcher
er denn sampt vns hat widerstandt thun/vnd seine Schef
lein darfür warnen müssen/sich für dem Hardenberg als
einem falschen Lerer zu hüten.

So viel den Farraginem belangende/ist ein grobe vn
uerschempfte lügen/das der vermeinte Radt (wie denn auff
den Keyserlichen Commissarien tage geschehen) fürgibt
der Hardenberg / durch das Buch sey bewogen worden/

D 3. vnd)

vnd sich dargegen habe müssen aufflegen / vnd nicht mit dem Abendmal habe zu thun gehabt. So ehr er mit dem Abendmal nicht hat zu thun gehabt / Was wollen denn die schriften vnd Predigten die wir droben haben angezogen. Item warumb hat er denn die Augspurgische Confession / vnd die Apologiam / Item den vertrag Anno 36. zu Witenberg auffgerichtet / Item vnser vnd der Sechsischen Kirchen Confession angefochten / getaddelt vnd verworffen? Darinne dieser Artikel eigentlich nicht gehandelt / sondern allein von der gegenwertigkeit des waren wesentlichen leibs vnd blutes Christi im Abendmal geredet / Aber es gehet inen wie dem Marcolpho / der keinen baum kundte kriegen / daran er hengen wolte / Also wissen sie auch nicht / wo sie hinaus wollen / durch die warheit vberzeuget / suchen derhalben solche lügenhafftige ausfluchte. Es hette auch zwar der Hardenberg lang zuuoren geschwermet / vnd seinen Giffte ausgossen / ehe das Buch jemals herfür komen / vnd an den tag ist geben worden / der Amsterodamus ist todt. So nu dem Hardenberg disputirens lüftet / so mache er sich an die jenigen / welcher namen vnd sprüche in dem Buch werden angezogen / so noch im leben sein / die wird er vngezweiuelt on gebürliche antwort / so einem solchen bullatum Doctorem, wie er ist / geziemet / nicht finden.

Das sey auff dis mal gnug von der Lehre geredt / mit gnugsamer beweifung / das wir die warheit niemals verolassen oder dauon abgetretten / sondern darbey geblieben / Das widerspiel aber von dem gegentheil geschehen sey. Nu wollen wir weiter anzeigen / was sich hinfürder zugestragen habe.

Als nu die sachen also gestanden / vnd der streit zu Bremen fast zugenomen / vnd der Hardenberg seinen **Je**
thumb

thumb nicht hat wollen fallen lassen/ sondern je mehr vnd
mehr Kotterey angerichtet/ vnd die Bürgerschaft gegen
dem Erbarn wolweisen ordentlichen Ratth/ vnserer günsti-
ge Herrn/ auch vns die Prediger hat angeheket/ Denn er
öffentlich gesaget/ das die Bürger einem Erbarn Rathe
in dieser sachen gehorsam zuleisten nicht schuldig weren/
so das offtmals seine zuhörere in dem Thumb auff die stüs-
len vnd bencken gekomen/ vnd sich mit schreien vnd ruf-
fen sehr vngestümmig gehalten/ daran er denn einen gefal-
len gehabt/ vnd etlich mal/ wie es von vielen hundert Men-
schen gesehen worden/ gelachet/ Vnd wenn die Bürger
aus seinen Predigten gekomen/ haben sie sich als vn Sinnis-
ge Leute/ mit schelden/ schnarcken vnd puchen gehalten/ so
das es vn möglich/ wenn es Gott nicht gehindert hette/ das
es ohne grossen Jamer vnd blutuergiessen solte abgegan-
gen sein/ Ist derwegen die sache an den löblichen Nieders-
sechsischen Kreis geraten/ vnd haben sich die Fürsten/ Her-
ren/ Graffen vnd Stedte desselbigen Kreises/ vnserer gnes-
digste gnedige/ auch günstige Herrn/ damit dem Jamer
fürkomen/ vnd die Gemeine zu Bremen zu ruhe gebracht/
vnd das angezündte Feuer möchte ausgeleschet werden/ in
betrachtung ires von Gott befohlenen Amptes angenom-
men/ vnd beiden Parten/ den Predigern vnd dem Harden-
berg etliche Confessional Artikel zu stellen befohlen/ wel-
ches denn geschehen/ vnd den Kreisherrn zugestellet wor-
den sein. Vnd haben zu dem behuff J. J. G. einen
Kreistag zu Brunschwig Anno 1561. im Februario aus-
geschrieben/ dahin die Fürsten vnd andere Stenden ihre
stadliche ansehnliche Legaten/ sampt iren fürtrefflichsten
Theologen gesandt/ Dahin sich auch eines Erbaren ord-
entlichen Rathes zu Bremen gesandten/ sampt zween
iren Predigern dazu erwelet/ vnd iren beystandt D. Joao
chimo

chimo Mörlino / D. Tilemanno Heshusio. M. Marti-
no Kemnitio / vnd andere Erbare vnd Gottselige Men-
ner / so ein Erbar Rath zu Braunschweig / eines Erbaren
Raths zu Bremen abgesandten / zum beistandt hette gege-
ben / Auch der V. Hardenberg / sampt seinem beistandt /
Daniel von Bueren / vnd etliche Thumbyfassen / auch den
Monnichausen einen öffentlichen Sacramentirer / so aus
der Vniuersitet vnd Stadt Rostock / von wegen seines Ir-
thums vnd Schwermerey war verweiset / versüget ha-
ben / vnd sind alda in Gottes furchten vleissig die sachen
für die handt genomen / vnd gehandelt / Vnd zum ersten
haben wir Prediger den Kreisstenden unsere Declara-
tion / darinne wir beweisen das Hardenberges vbergegebene
Positiones nicht mit der Augspurgischen Confession
vber ein stimmen / Darneben ist der Augspurgischen
Confession sententia vnd rechte meinung / vom Abend-
mal des HERRN von vns auch vbergeben worden / In
gleicher gestalt hat Hardenberg seine sententiam oder De-
claration von vnsern Positionibus vnd Confessional Ar-
tickeln auch vbergeben. Dieselbigen Positiones vnd De-
clarations sind vleissig von den Kreisstenden vnd ihren
Theologen / bewogen / vnd nach der heiligen schrift / Aug-
spurgischen Confession / vnd den schriftten Lutheri exami-
nirret / vnd endlich befunden worden / das vnser Lehre recht /
der Augspurgischen Confession gemes / vnd mit den wör-
ten Christi / Smalkaldischen Artickeln / den schriftten Lu-
theri vber ein stimmt. Aber Hardenbergers Lehre dersel-
bigen entgegen vnd zu wider were / Ist derhalben als
ein falscher Lerer daselbst nach gnugsamen vnd ordentli-
chen verhör condemnirret / vnd aus dem ganken Kreis vnd
der Stadt Bremen verweiset worden / Wie denn dassel-
bige der abscheide / so in den Druck verfertiget vnd ausgan-
gen ist /

gen ist / klerlich thut melden / vnd wird dieser handel auch
weitleufftig von dem Herrn Remitio in der leuterunge
der Propositiones Hardenbergis / Item von dem D. Mor
lino erzelet / Derhalben vnnötig viel worte hieruon zu ma
chen / Wir wollen allein zu weiterm bericht herbey setzen /
was die Theologi auff beider seitz Confession geantwor
tet / vnd den Kreisenden vbergeben haben.

VERBA CHRISTI.

*Christus accepit panem, gratias egit, fregit, ac de
dit discipulis, dicens: Accipite, comedite, hoc est cor
pus meum, quod pro vobis traditur. Similiter & Cali
cem, postquam cenauit, dicens: Bibite ex hoc omnes,
hic est sanguis meus.*

VERBA CONFSSIONIS AVGVSTANÆ.

*De Cæna Domini docent, quod corpus & sanguis
Christi vere adsint, & distribuantur vescentibus in Cæ
na Domini, & improbant secus docentes.*

Von dem Abendmal des HERRN wird also geleh
ret / das warer Leib vnd Blut Christi warhafftiglich vns
ter der gestalt Brodtes vnd Weines / im Abendmal gegen
wertig sey / ausgeteilet vnd genemen wird / Derhalben
wird auch die gegenlere verworffen.

VERBA APOLOGIÆ.

*Decimus Articulus approbatus est, in quo confite
mur, nos sentire, quod in Cæna Domini vere & substan
tialiter*

tialiter adsint corpus & sanguis Domini, & vere exhibeantur cum illis rebus, quæ videntur pane & vino, his qui Sacramentum accipiunt. Hanc sententiam constanter defendimus re diligenter inquisita & agitata. Cum enim Paulus dicat, panem esse participationem corporis Domini, &c. sequeretur panem non esse participationem corporis: sed tantum spiritus Christi, si non adesset vere corpus Domini.

Verba Catechismi Lutheri.

Das Sacrament des Altars ist der ware Leib vnd Blut des HErrn Christi / vnter Brodt vnd Wein / vns Christen zu essen vnd zu trincken / von Christo selbst eingeset / etc.

Verba Smalcaldici. Articuli de Cæna.

Vom Sacrament des Altars halten wir / das Brod vnd Wein im Abendmal sey der warhafftige Leib vnd Blut Christi / vnd werde nicht allein gereicht vnd empfangen von frommen / sondern auch von bösen Christen.

Cum his verbis & eorum declaratione in scriptis Lutheri, omnino consentit & nostra & Bremensium Concionatorum Confessio :

Sed Alberti Confessio dissentit.

1. Quia tantum asserit præsentiam corporis Christi in cæna, qualis est præsentia Solis apud nos, h. e. asserit substantiam corporis Christi tantum esse in cælo, sicut

corpus

corpus Solis in vno loco cæli fixum est. Ea similitudo omnino tollit præsentiam substantialem corporis Christi, è cœna.

2. Quia dicit silendum esse de sumptione indignorum seu impiorum, cuius Paulus grauissimè meminit, & de qua expressè dicitur in Smalcaldicis Articulis. Solent autem omnes Sacramentarij idcirco negare, quod indigni seu impij corpus Christi non accipiunt, quia tantum volunt sua verba intelligi de sumptione Spirituali seu fi dei, & non simul de sumptione corporali seu oris.

Cum autem postulatum sit à nobis censura de singulis Articulis Alberti, testamur & affirmamus omnes vnanimiter, nos censuram à Bremensibus Concionatoribus exhibitam, omnino approbare, Scripsimus & nos censuram, sed quia prolixior est, & cum Bremensi prorsus consentit. Ideo iudicamus non esse necessarium, vt eam simul exhibeamus: Si vero postulata fuerit, habemus eam in promptu, & parati sumus exhibere.

In Epilogo scripti Alberti appellationem ad Academias non probamus grauibus de causis, sed oramus ac obsecramus magnificos, strenuos, clarissimos, doctissimos consiliarios, vt ex verbo Dei Augustana Confessione, Apologia, Smalcaldicis Articulis, & Catechismo Lutheri, ipsi hanc causam hic finiant, vt remoto IMPII DOGMATIS PROPUGNATORE ET TURBARVM AVTHORE,

E 2 ueritas

veritas Christi conseruetur, & in Ecclesia Bremensi
pax constituatur.

Namen der Theologen/so dieser Schrift sich haben
vnterschrieben.

Valentinus Curtius.
Paulus von Eisen D.
David Chytreus D.
Ernestus Bock.
Rudolphus Moller.
Leonhardus Stromgerus.
Jacobus Groshans.
Fridericus Dedekindus.
Bartholomeus Sprockhol.

Als sich dieses also zugetragen/vnd Hardenberg ohn
einige vbereilunge gnugsam gehöret/ vnd als ein Sacra-
mentirer vnd falscher Lerer vberzeuget / vnd im inwendig
vierzehnen tagen/ sich aus dem Kreis vnd der Stadt zu ma-
chen aufferleget vnd befohlen worden/damit friede vnd ei-
nigkeit in der Stadt erhalten/vñ die arme Bürgerschaft
nicht hinfürder also möchte versüret werden / Hat sich
Hardenberg diesem Mandato vnterworffen / vnd den
Kreis vnd die Stadt gereumet / vnd sich des Predigtstuls
geeuffert vnd engehalten / Aber die seinen die heuffig zu ihm
in seine behaussunge gelauffen/ in der verdampften Keres-
rey gestercket/vñ inen eingeblaffen/ als were im vnrecht ge-
schehen/vnd seine Lere nicht condemniret / Dazu denn
der Daniel von Bueren sein beystande vnd fürnehmster
Patron/ sampt Johan Brant / Curt Kenckel / Herman
Basmer / Brun Keimers / vnd andere nicht wenig geholfo-
fen / denn sie dasselbige der Bürgerschaft auch einges-
pflanzet/

pflanket/ als das Recht mit dem Hardenberg procediret/
vnd seine Lere nicht condemniret were/ Derhalben sie
auch auff das höchste den löblichen Kreis vnehrt vnd ge-
schmehet haben/ dazu denn die andern des Hardenber-
gers Jüngern als auffrührische Münsterische Geister
(Gott weis wer sie sein) gekommen/ Pasquillos vnd famos
los libellos auff die Fürsten vnd Stende des löblichen
Nidersechsischen Kreis/ auch auff die Theologen so zu
Braunschweig gewesen/ Daneben auff einen Erbaren
wolweisen/ ordentlichen/ von Gott beruffen/ vnd recht be-
stetigten Rath der Stadt Bremen/ auch vns die Predi-
ger/ gemacht vnd spargirt/ wie dieselbigen verhanden/ vnd
auch zu seiner zeit kan beweiset werden. Derwegen auch
Daniel von Bueren zween Prediger/ so bald er von
Braunschweig wider gekommen/ auff der wester Brücken/
da die Bürger mit hauffen gestanden/ mit sehr vnfreund-
lichen Worten angesprochen/ vnd öffentlich mit lauter stim-
me geschrien/ denn dem Hardenberg zu Braunschweig
vnrecht geschehen/ vnd seine Lehre nicht ordentlich were
condemnirt worden/ Derhalben auch dawider zu schreis-
ben gedrawet/ so das etliche auffrührische geschrien/ werf-
fet die Schelmen die Prediger von der Brücken in das
Wasser hinein/ Welchs alles dahin gegangen/ das sie da-
mals gerne Auffrühr/ vnd ein Blutbadt wolten angerich-
tet haben/ Aber es ist noch durch hülffe des Allmechtigen
abgewendet worden/ vnd jr Gottlos fürhaben vnfrucht-
barlich abgegangen.

Wiewol nu der Teufel also geraset/ wüetet vnd geto-
bet hat/ haben wir Prediger vns nicht durch in vnd seine
verdampfte Sacramentschwermerische vnd auffrührische
Kotte lassen schrecken oder bewegen/ sondern vnsers Amp-
tes vleissig gewartet/ mit predigen/ lehren/ straffen vnd ver-
manen/

manen/ auff das aller gelindeste angehalten (so das wir
auch gar zu wenig haben gethan) vnd vnserer zuhörere vleis
sig sich für der Englische vnd Caluinische Lehr zu hüten/
vnd bey der reinen gesunden Lehre zu bleiben vermanet/
Vnd hat ein Erbar Rath / nach ihrem befohlen Amptel/
auch das ire/die Bürger veterlich vnd trewlich zu verwar-
nen gethan/die Kirchen so jemerlich durch den Hardens-
berg zurüttet vnd verstöret/vnd mit wenig vnd fast allen
Predigern war versorget/mit fromen gelerten Predigern
auch die Schulen mit feinen gelerten Gottseligen Mas-
gistris vnd Gefellen bestellet vnd bestellen lassen / Danes-
ben ein feinen tapffern Gottseligen vnd wolgelerten Su-
perintendenten/ Herrn Simonem Museum/der heiligen
Schrift Doctorem/hinein gefördert / vnd alles in eine
Gottselige Christliche ordnung widerumb gebracht/ Das
zu denn auch ein Erbar Rath ein Christlich Mandat/
dem vorigen Mandat Anno 34. ausgegangen gleich/ano-
geschlagen/vnd die Bürger sich für der Englische Sas-
cramentirische auch Widertauferische Lehre zu hüten/
vnd zum friede vnd eintracht vermanet/ mit weitem / etc.
So das wir alle den lieben fromen Gott/ für solchen an-
gewanten vleis eines Erbarn wolweisen Rathes gedank-
et/vnd vns nu genzlich hetten vermit/es solte also geblie-
ben / vnd wir eine feine Kirchen vnd Schule wolten zu
Bremen wolten behalten haben / etc.

Dem Teufel aber aller Gottseliger Christlicher ord-
nung vnd warheit feindt/vnd der Lügen ein Vater / hat
es auff das hefftigste verdrossen/ Derhalben allen möglio-
chen vleis für gewandt / das er solche ordnung / vnd die
Kirch widerumb verwüsten möchte / vnd daselbige auff
diese weise fürgenommen.

Dann es hat sich zugetragen / das nach altem löblis-
chen

chen gebrauch der Rath zu Bremen solte verwandelt werden/ vnd ist eben die ordnung des Regiments auff den Daniel von Bueren gekommen/ Dieweil nu derselbige sich auff den Kreistag zu Braunschweig/ als ein beistandte des Hardenbergers hette lassen gebrauchen/ vnd seiner / das ist der Eingliichen vnd Caluinischen Lehre verwant war / vnd sich zu derselbigen öffentlich bekant/ Damit nu ein Erbar Rath nicht des HErrn Jesu Christi / vnd des löblichen Kreises vngnade vnd vnhulde auff sich laden möchte/ haben sie denselbigen nicht also schlecht zum Regimene wider komen können lassen/ sondern denselbigen vleissig gebeten / er mit inen in der Religion eines sein/ von der irri gen verdampften Lere abstecken/ oder so er ja dabey bleiben/ das er für sein Person dabey bleiben/ vnd dieselbigen nicht öffentlich verteidigen / vnd in die Bürgerschaft sprengen / vnd die armen Bürger vnd ire Kirche verführen/ oder damit beschweren wolte mit weitem / etc.

Daniel aber mit den seinen / so dem Erbaren Rath mit lübben verwandt / als nemlich Brant vnd Reimers hat geantwortet/ vnd gesaget/ mit langen worten / wie das D. Hardenberg ohne rechtmessige vrsache zu Braunschweig condemniret were/ Derwegen er damit nicht zu friede sein köndte oder möchte / vnd also nicht wenig den löblichen Nidersechsischen Kreis vnd ihre Theologen geschmechet/ etc. Vnd eines Erbaren Rathes Christlich fürgeben ganz ausgeschlagen / Vnd hat letztlich sich zu bedencken acht tage zeit gebeten/ mitler zeit hat er sich gestercket/ vnd den gemeinen Man mit losen lügenhafftigen worten heimlich auff die bane gebracht / so in den Thum/ welcher inen dazu von den Pfaffen geoffnet worden (da sie denn zuvor iren rath aus erforderung des Daniels vñ seiner mitgenossen/ Brandes/ Reimers/ vnd Kencfels geschlossen)

schlossen) versamlet gewesen / vnd mit der eil auff das Rath
haus mit mörderlicher Wehre heufflich gelauffen vnd ge
fomen / das Rathhaus eingenomen / die Thüren mit gewalt
auffgebrochen vnd eingeworffen / dabey denn Daniel von
Bueren sampt den seinen / Brant / Kencel vnd Keimers /
als Janenführer gewesen / da hat Daniel dem Erbaren wol
weisen vnsern günstigen Herrn Johan Esiche / Bürger
meistere / befohlen / er solte die weisheit / das ist / den ganken
Rath / zusammen fordern lassen / des sich Herr Johan
Esich nach dem es zu der zeit / als es gefordert vngbreuch
lich / freundlich geweigert / Daniel aber als ein auffrühr
rischer hat geantwortet / es müste also geschehen / der Herr
Bürgermeister durch den Daniel vnd andere auffrühr
sche vmbgeben / hat es müssen geschehen / vnd den ganken
Rath zusammen fomen lassen.

Als nu der Erbare Rath versamlet / hat Daniel mit
seinen Gesellen (welches sie schon vnter sich also hetten ge
schlossen) den Bürgern fürgestellet / ob es nicht ihr wille
were / das das vorige Mandat eines Erbaren Rathes wie
der die Sacramentirer vnd Hardenbergers Lehr gecassis
ret sein / Item / ob auch nicht D. Simon Superintens
dens / sampt Herrn Johan Buchheister / solten verweiset /
vnd Antonius Greuenstein (so aus mercklicher vrsache /
darumb das er dem Hardenberge vnd seiner falschen Le
re bey pflichtig seines Amptes war entsetet) wider in das
Ampt solte gesezet / vnd Herman Basmer (der von wes
gen seiner bösen that / darumb das er einen Predicanten
mit gewalt auff der gassen bey hellem tage mit einem spief
se hette zu bodem geschlagen / nach laut des Stadtbuches /
war aus der Stadt verweiset worden) wider eingenomen
worden / vnd den Predicanten das straffent auff des Har
denbergers Lere solte verboten sein / Darauff denn Das
niels

niels sein hauff geruffen/ Ja/ Ja/ vnd einen Erbar Nath
the solche stücke zu bewilligen/ mit mörderlicher Wehre/ die
sie bey sich hatten/ gedrenget haben.

Ein Erbar Nath aber/ wie billich / hat sich beschwo-
ret/ die fürgestelten Artickel zubewilligen/ vnd gebeten/ das
sie sich besprechen/ vnd dauon vnter sich deliberiren möcho-
ten/ Aber Daniel hat mit seinen auffrührischen je her-
ter vnd herter mit dengen angehalten/ vnd auch so hart ge-
drungen/ das sie den stul des Naths bey nah eingeworffen/
so das die Herren des Naths auffstehen / vnd nicht lenger
in irer stete haben von wegen des harten dregens sitzen
können/ Der regirende Bürgemeister Herr Johan Esich
hat sie vast angesprochen / vermanet vnd das sie gemach-
thun solten gebeten/ aber es hat alles nicht geholffen/ Son-
dern ist bey den auffrührischen ganz vnfruchtbarlich abge-
gange/ Vnter dieser zeit als vielleicht ein gerücht möchte
auff das Nathaus komen/ als wenn die fromen Bürger
dem vberfallenen Nath zu hülffe komen/ vnd entsetzen wol-
len / hat einer mit namen Johan Groning ein geschrey
auff der gassen vnd am Wasser gemacht/ vnd die Karren-
schauber/ vnd ander los hudel gesindlichen hienauff geförs-
dert/ die auch mit hauffen zugelauffen sind / Wo sie aber
einen gesehen/ der nicht mit in irer Gesellschaft vnd con-
spiration gehöret/ den haben sie nicht hinauff gelassen/ / es
doch sind etliche frome Bürger im gedrenge mit hinauff
gekomen/ die dieser sachen/ vnd dem mutwilligen auffrüh-
rischen Gottlosen vberfall irer lieben Herren/ vnd fromen
Oberkeit/ mit grossen schmerzen ansehen/ vnd bis zum en-
de haben anhören müssen. Die andern getrewen Büro-
ger sind fast mit grossen trawren auff den Marckt gegans-
gen/ die/ wenn es möglich were gewest/ gerne ire frome Re-
genten hetten entsetzet gesehen. Die Gottseligen Frauen
S sampe

sampt den Jungfrauen / vnd den Predigern / seind fast
den tag im Gebete gewesen / vnd ohn zweuel durch jr Geo
bet / das Blutuergiessen vnd den Mordt / so die auffrühris
schen im sinne gehabt / gehindert.

Als aber nu das Rathaus ganz vol gewest / vnd auff
den Bencken vnd in den Fenstern gestanden / hat Daniel
mit seinem auffrührischen hauffen / wie man sonst im fel
de vnd Kriegs hendel pflegt zu thun / einen Ring gemacht /
vnd von den Latten / so sie von den Wenden gerissen / geo
schlagen / sich damitten ein / als ein fürnemster mit seinen
Heuptleuten dem Brant / Kenckel vnd Keimers / etc. gestel
let / vnd einen Erbarn Rath / endlich dahin gedrungen mit
grosser gewalt / das sie jr Gottloses fürgeben haben müs
sen willigen / welchs denn vngesehrlich vmb halbweg fünf
fen gewest / denn so lange von Zeigers neune für mittags /
bis auff fünfzen nach mittages / haben sie den Rath auff
dem Rathause / als in einem gefengnisse gehalten / vnd
nach iren eigenen mutwillen gehandelt.

Do sie nu also iren mutwillen getrieben / hat sich Das
niel gesetzt / vnd haben darnach alle Raths Personen / dem
Daniel sampt seinen zween mituerwandten (mit was her
ke vnd gemüt / wölle ein jeder ehrlicher fromer Mensch be
dencken) die handt geben / vnd als wenn sie ganz wol hetten
gethan / annemen müssen.

In dieser mutwilligen auffrührischen handlung hat
es sich zugetragen / das ein Prediger / mit namen Johan
Bucheister hat sollen zwo Personen nach Gottes orde
nung / dieser auffrührischen handlung unwissentlich in
onser lieben Frawen Kirchen / so hart am Markte vnd
Rathause gelegen / zusammen geben / dem sind die auffrüh
rischen mit Fewrbüchsen vnd anderer mörderlichen Wehr
auff den leib gefallen / inen gestossen / vnd ganz jemerlich
gehans

gehandelt/dazu denn des Predigers Hausfraw / so dieses
inne worden/die vngesehr hinzu komen/die sie also gehan-
delt vnd geschlagen haben / das sie es bis in diese stunde
noch nicht abgelegt/vnd vielleicht jr lebenslang nicht thun
wird/ so gar hette sie der Teufel eingenomen/das sie auch
der Frawen nicht verschonet haben.

Nach verlauffung dieser dinge/ist Herman Basmer
wider einfomen/vnd seine stedte/daraus er(wie droben ge-
meldet)mit billigkeit war gesezet/widerumb eingenomen/
Daniel hat auch von dem tage an die schlüssel von allen
Pforten (wider den gemeinen brauch der Stadt) lassen
fordern/der dreyer Bürgermeister/vnd anderer Rathleute
Heusser lassen starck bewachen / vnd in der Stadt alle
nacht / damit sie je wol bewaret möchten sein/mit seinen
auffrührischen grosse wach gehalten.

Den dritten tag nach mutwilliger auffrührischer
vberfarung vnd vberfassung eines Erbaren Raths / ist
ein Erbar Rath in iren gewöhnlichen Radtstul zusamen
komen / Die auffrührischen aber haben sich mit grossen
hauffen wider im Thumb gesamlet/vnd haben einen aus-
schos/die bey Daniel vnd seinen Heuptleuten obgenant/
gestanden / vnd mit dem Erbarn Rathe der fürgestalten
Artickel vnd der versiegelunge halben gehandelt haben.
Als nu der handel eine zeitlang sich verstreckt / haben die
auffrührischen aus dem Thumb fünffe von den fürnemo-
sten / deren etliche auch im vorigen auffrühr waren gewes-
sen/hin auff das Rathaus geschicket / vnd einen Erbaren
Rath lassen ansagen/sie sollten es kurtz machen / die Bür-
ger weren im Thumb/oder sie wolten dazu komen / da sie
abermals mit dem Schwerde vnd mit blutuergiessen ge-
drawet haben.

Als nu ein Erbar Rath abermals so hart gedrenget/

vnd die auffrührischen nichts denn blutuergiessen imsinne
hätten/vnd ein Erbar Rath nirgend hinaus köndte / vnd
vernomen/das nicht allein die gewalt vnd Mordt bey iren
Personen (des sie sich denn semplich vnd sonderlich in
dem HERRN getröstet/vnd genzlich/wie wir aus ihrer
etlicher munde selbst gehöret / hätten ergeben) Sondern
auch vielleicht weiter an alle die ihren möchte begangen
werden/haben sie(dazu mit gewalt gedrungen) des Danie
els sampt den seinen fürgestalte Artickel/die auff eine taf
fel verfasst/offentlich an Marcke gehenckt/mit herzlich
betrübnisse(wie ein jeder fromer Christ leichtlich hat zu
bedencken) bewilligen vnd annemen müssen.

Hiermit ist nu der Daniel sampt den seinen nicht ge
setiget gewest/sondern hat dem Erbar Rath fürgestellet/
Ein Erbar Rath an die Erbar vnd Erntreichen benach
barten Stedte/als Lübeck/Hamburg/Lüneburg/Brauns
schweig/Magdeburg/etc. solte schreiben/vnd mit inen ver
siegeln/damit den Predigern daselbst / vnd trewen Dies
nern Jesu Christi/onseren geliebten Herrn Bettern vnd
Brüdern in Christo/verbotten würde / das sie nicht auff
Hardenbergers Person vnd Lehre / auch auff sie vnd der
Stadt Bremen / als ob sie mit falscher lehre behafftet we
ren/schelten oder dauon sagen solten/Sondern ein Erbar
Rath solte inen zeugnis geben/als das sie from weren/vnd
wol gehandelt hätten. In dem nu ein Erbar Rath dieses
vernomen/vñ ire stimme nicht mehr in der Rathstube geltē
möchte/vnd sie so hart/ganz iren armen betrübtten gewis
sen zu wider/welches zuuor gnugsam verwundet war / zu
handeln gedrenget/vnd man auch damit vmbgangen/etli
che aus den Raths verwanten (wie ire wort gelautet) also
auff den fus zu treten / vnd schon ein tag dazu ernennet
war/inen das Blut solte aus den nacken lauffen / sind sie
verursachet

verursachet sich aus der Stadt/an den Edlen vnd wolgebornen Herrn Herrn Anthonien / Graffen zu Oldenburg vnd Delmenhorst/ etc. zubegebend / der sie in ihrer grossen betrübnisse vnd Jamer mit grossen gnaden empfangen/vnd auffgenommen hat/ etc.

Daraus nu leichtlich zu sehen/das sie nicht gelauffen seind / wie die stifter des auffrurs fürgeben / sondern durch die hohe vnuermeidliche nott zu weichen gedrungen/vnd in das elend vertrieben/ etc.

Dies ist fast so viel als vns davon bewust / die summa des handels/vnd ist vngeweielt der ganze handel von einem Erbaren Rath auff das Papiir vñ in die Feder bracht worden / wir geben allein von den stücken so vns bewust zeugnisse. Ist derhalben eine grobe vnuerschempfte lügen / (wie sie den all jr ding mit lügen schmücken) das der ist anwesende vermeinte Rath (wie denn auch auff dem Commissarien tage zu Goslar gesehehen) fürgibt / der Daniel nur mit achte Personen auff das Rathhaus gekomen / vnd das es ein freundlicher handel gewesen sey / Das weistu o du lieber frommer G D E Z im Himmel / was es für ein freundlicher handel gewesen sey / Du hast es gesehen/vnd du wirst es richten / Vnd du lieber Daniel von Bueren/gehe in dein herke hinein/vnd nim dein Gewissen (so du anders noch ein Gewissen hast) zu rathe / So wird dich dein eigen Gewissen vberzeugen/ das du nicht alleine selb achte/sondern mehr denn mit vier tausent Man/ jung vnd alt auff vnd omb das Rathhaus gewesen / vnd das es nicht ein freundlicher/sondern ein mutwilliger/ auffrührerischer handel/darüber du lange gepracticet / gewesen sey/ Gott wolte dir/ist es jmer möglich / mit den deinen gnade verleihen/das jr ewre sünde vnd begangene missethat / erkennen vnd selig werden möget/welchs wir euch von hero

ken wüñdschen/werdet jr aber solchs nicht thun / sondern
ewere sünde vñd böse that/wie bisher/fortan also iustificio
ren/so wird der lieben Kirchen Gebet wider euch endlich
erhört/vñd Gottes wunderbarliche gerichte / vñd das in
kürz vber euch vñd ewern anhang komen. Denn jr habe
ewere handt nicht alleine an Menschen/sondern an Gott
gelegt /der da spricht von den seinen/ Wer euch antastet/
tastet mein Augapffel an.

Ferner als nu die Taffel/so vom Erbarn Rath mit
Tyrannischer gewalt gedrungen/war auffgehungen / vñd
den Predicanten jr von Gott dem Allmechtigen befohlen
Ampt genomen / haben wir Predicanten semplich vñd
sonderlich (ausgenommen den Herrn Superintendenten
D. Simonem Museum/vñd Herrn Johan Bucheister/
die inwendig acht tage die Stadt reumen musten) die vñd
christliche Taffel/vñd das erzwungene Mandat nicht an
gesehen/ sondern das Mandat/ welches wir von vnserem
Herrn Gott empfangen ansehen/vñd gefolget/ den auffo
rthur gestraffet/vñd das Volck mit gar gelinden worten
zur Busse vñd zur erkenntnis jrer sünde/vñd sich für der fal
schen Lehre des Eingliß/Caluini vñd Hardenbergers (so
nicht alleine in Gottes wort/sondern auch in etlichen ab
scheiden des heiligen Römischen Reichs /als eine Gottloo
se Kezerische Lere/ auch in den schrifftten der Peter / Lus
theri/vñd aller fromen Lerer/dazu auch in allen Versam
lungen/ so etliche Jar her in Religions sachen gehalten/
verboten vñd verdammet were) vleissig zu hüten / vermas
net/ Daraus denn Daniel mit seinen Hauptleuten vñd
anhanges nicht wenig bewogen/ Denn man hat vñs als
wir auff die Cankel komen in der Kirchen (wie denn zu
uorn offtmals war geschehen) vñter augen geruffen/ schla
ge die Böswichter Todt/wirff sie von der Cankel herun
ter/

ter/wie denn in der Kirchen S. Ansharij/ Herrn Johan
Eluerfelt geschehen/ den sie auff einen morgen in einem
frühe Sermon nach gehaltenen vnd gethanen Predigte
vmbbringet/ vnd in der Kirchen zu tode geschlagen hetten/
wenn er nicht durch etliche frome Christen were gerettet
worden/ Wir geschweigen hie was vns andern widerfas
ren ist/ das wir also sind bey inen gehandelt worden/ das es
auch die Heiden nicht solten gethan / was sie vns ihren
Seelsorgern vnd Pastoren gethan haben / Gott wird es
inen/ so sie sich nicht bessern/ zu seiner zeit reichlich/ das es
Inen wird wehe thun/ vergelten / Die Exempel seind an
den Jüden vnd andern / die sich mit Morde vnd Tyrans
ney wider Gott vnd seine Diener haben auffgelegt / fürs
handen/ etc. Wir dancken für vnser Person dem lieber
fromen Gott im Himmel / das wir für vnseren getrewen
dienst vnd angewanten vleis/ solchs vmb seines Namens
vnd heiligen Wortes willen/ ohn alle vnser schuldt zu lei
den seind würdig worden/ der wolte vns durch seinen heilio
gen Geist trösten/ vnd bey der Warheit bis an das ende
gnediglich erhalten/ vmb Jesus Christus seines geliebten
Sohnes willen/ auff das wir das ende/ nemlich vnser See
len heil vnd seligkeit/ mit allen fromen Christen/ mügen da
von bringen. Amen.

Nach diesem/ als wir Prediger nicht gerne vnser be
fohlene Kirche wolten verlassen / sondern wie getrewen
Seelsorgern vnd Pastoren geziemet/ blieben/ hat der Das
niel vns Predigern alle in beywesend der Erbarn wolwei
sen vnserer günstigen Herrn / Herrn Lueder von Bel
mer (seliger gedechtnisse) Herren Detmer Kenckel/ Herrn
Johan Esiches/ ordentlichen vnd rechten Bürgermeister/
auff das Rathaus gefordert / vnd fast auff diese summa
mit vns geredet/ Ir wisset was sich in dieser zeit zwischen
dem

dem Rathe vnd der Bürgerschaft fürgelauffen / welches ohne nott zu erholen / Wil euch derhalben semplich vnd sonderlich geboten vnd vermanet haben / jr wollet euch der Taffeln vnterwerffen / vnd derselbigen in allen gehorsamlich nach leben / vnd euch in dem predigen vnd D. Hardenbergers person vnd Lehre / die er hier gelert / der ich sampt meinem theil bin anhengig / vnd für recht erkenne / dieselbig zu straffen gentslich enthalten / mit weitem / etc. Daro auff er die drey Bürgermeister hat gefraget / ob das auch nicht jr wille vnd meinung were / sie aber haben geantwortet / Das sie bey der Predicanten Lere / die sie hetten aus Gottes Wort gelernet / vnd bey irer bekennisse wolten leben vnd sterben / vnd gar nichts in des Daniels fürgebend bewilliget / vnd Hardenbergers Confession vnd Lere nicht für recht erkandt.

Hier auff haben wir vns als der Daniel vns solches hette fürgestellet / besprochen / vnd vnser eintrectige antwort wider eingebracht / wir vns in keinem wege der Taffeln vnd dem Gottlosen mit gewalt vnd auffrhur erzwungenen Mandat. aus vielfeltigen vrsachen / die wir nach der lenge haben erzelet / vnterwerffen köndten oder möchoten / Vnd ist Daniel von den Predigern / insonderheit von Herrn Johan Fluersfeld / als ein anstifter des erbermlischen Jamers / hart angesprochen / vnd eines besseren / vermanet worden / welches alles vnfruchtbarlich bey jm abgegangen / Denn als er vnser antwort gehort / ist er von stund an hefftig erzürnet / vnd zwey mal nach einander vns geboten / das wir vns des Amptes eussern vnd entschlahen / vnd des Predigstuls gentslich enthalten solten.

Wiewol wir aber mehr Gottes als der Menschen gebot angesehen / vnd nicht so balde vnser arme betrübt Kirche haben verlassen können / sind wir des willens gewesen / vnser

vnser Ampt wie zuuorn geschehen nach Gottes Worte
vnd befehl zu füren/Wie denn auch etliche vnter vns wi-
der auffgestiegen/vnd ein Sermon zwo oder drey ohn ge-
fehrlich gethan/ Aber also gehandelt/das wir vns haben
darvon geben müssen/Dann man hat vns nicht allein vn-
sers Amptes mit gewalt beraubet / vnd auff die Cankel
nicht mehr zu komen verboten/sondern auch in stücken zu
hauen/gedrawet/wie denn gewislich geschehen were/so es
der Sohn Gottes Jesus Christus nicht gewehret hette.
Derwegen die Kirchveter zu vnser etlichen in das Haus
komen/vnd gesaget/das wir nicht wider auff die Cankel
steigen solten/würden wir aber solchs thun / vnd auff die
Fleischbank komen/wolten sie an vnserm Blut vnschuld-
ig sein/etc. Wie denn die Kirchveter vns zu jeder zeit sol-
len vnd müssen stendich sein. Darumb wie der gegenteil
fürgeben/seind wir nicht gelauffen/ sondern sie haben vns
wider Gott/recht vnd alle billigkeit/ mit gewalt vnseres
Ampts vnuerhörter sache / die wir vns alle zeit auff das
Recht erbotten/vnd noch/wie hier nach wird folgen erbit-
ten/beraubet/vnd mit Weib vnd Kind in das elende ver-
stossen/vnd also der armen Kirchen ihre Pastoren genos-
men vnd entzogen/dafür sie denn vns vnd vnserem Hero-
ren Jesu Christo/am Jüngsten gerichtte rechenschaft ge-
ben sollen/ Danken dennoch demselbigen vnserm Hero-
ren Jesu Christo/das er vnser nicht vergessen / sondern
an andern ortern ein stellichen zugewiset hat/da wir ihm
vnd seiner lieben Kirchen (Gott lob)nicht ohne frucht die-
nen/vnd wird ungezweiuelt der liebe frome Gott im Hi-
mel/vnsern gnedigsten vnd gnedigen Herren / so vns als
dienern Jesu Christi in vnserem elende widerumb auff-
genommen/vnd Herberge gegeben/ solche wolthat vnbelos-
net nicht lassen/Wie denn der Sohn Gottes spricht/ Wer
G euch

euch annimpt/nimpt mich an/ davon viel Exempel in der
heiligen Schrift fürhanden /etc.

Nach dem sie nu jren mutwillen mit vns geschaffet/
vnd mit Tyrannischen freuel vnd gewalt vns vnserer von
Gott befohlene Empter genommen / haben sie andere lose
Buben vnd Sacramentirer/ die aus andern örtern von
wegen Sacramentschwermerey vertrieben/widerum auff
gestellet/wie wir jnen des auch fus zu halten vnd zu übers
zeugen/das sie mit solchem Irthumb behafftet/geneigt/vñ
ehe jemals der auffrührischer freuentlicher handel mit vns
fürgenommen worden/haben jrer etliche von den Schwerm
erischen Predigern in den Herbergen gelegen/ vnd dar
auff von den auffrührern verschreiben gewartet / ja auch
in vnser gegenwertigkeit auff die Canzel / durch dieselbis
gen/denen es von Gottes wegen solte gebüren / nicht bez
ruffen gestiegen/vnd der Englischen Sacramentirischen
Irthumb heraus gespeiet/ vnd vnter die armen Bürgers
schafft gesprengt / Wie denn der Cornelius in S. Aro
scharius Kirchen gethan.

Also haben sie den Antonium Breuenstein/ Caplan
zu vnser lieben Frauen/der(wie droben gemeldet)vmb sei
ner Schwermerey willen / das er dem Hardenberg bey
pflichtung gethan/vnd seine Lehre die in Gottes Wort/
den Betern vnd den Schrifften Lutheri/auch im geistli
chen Synodo zu Braunschweig aus Gottes Wort recht
messiger weise condemniret / für recht gehalten / seines
Amptes nicht ohne vielfeltige Gottselige vermanung war
entsetzet/widerumb eingesetzt/vnd für einen Pastoren in
vnser lieben Frauen Kirchen gemacht/vnd denselbigen ei
nen armen Bachanten/den sie vom Dorffe Otterstedte/
hinein gefördert/vnd in der einfürunge des Herrn Su
perintendenten D. Musci / des Hardenberges Lehre als
recht/

recht/in beywesen vieler frembder Pastoren / so vns des
zeugnis werden geben / zuuertheidigen vnterstanden hat /
zum mitguthülffen gegeben / vnd dafür andere seine treffo-
liche Leute vertrieben / Wie sie denn newlich M. Johans
nem Sun / den sie selbst / nach dem sie vns vertrieben von
Wittenberg hetten verschrieben / da sie gehört / das er des
Hardenberges vnd der Englischen Lehre zuwiddern / vnd
vnsrer Confession / so aus Gottes Worte genommen / für
recht erkand / mit grossem schmechen / lesternt vnd schendent
begeget / vnd entlich seines Amptes entsetzet / vnd das
lohn das wir von inen empfangen gegeben haben / wie wir
denn nicht zweueln / ehr auch seine notwendigen entschul-
digung zu seiner zeit an den tag geben wird / etc.

Weiter haben sie auch einen losen Buben vnd Mann
melucken / mit namen Johan Schlunckrabe / der zuvorn
in dem Ampte gewesen / vnd auch eine Pfarre bey Bres-
men auff einem Dorffe innegehat / vnd von wegen seiner
Schwermerey / das er des Caluini vnd des Hardenberges
Lehre vom Abendmal öffentlich in seinen Predigten ins-
stificirede / vnd vnsrer bekentnisse nicht wolte subscribis-
ren / war abgesetzt / widerumb eingesetzet / vnd die Kirche
in der Stadt befohlen / Den sie einem grossen Sacra-
mentirer vnd gewaltigen Calvinisten / mit namen Corne-
lius. N. so aus andern ortern vmb der Schwermerey wil-
len vertrieben / zugeordnet haben / Also haben wir das ge-
zeugnisse von deme den sie zu S. Steffan haben gesetzet /
mit namen Franciscus / das derselbige auch mit dem Calo-
uinischen / Hardenbergischen Irthumb nicht wenig be-
hafftet sey / etc.

Dargegen sie vns / wie wir denn droben angezeiget /
wider Gott / recht vnd alle billigkeit / vnuerhörter sache / vnd
vnerkantes rechtes / alleine / aus mutwilligen Tyrannis-
schen

schen freuel/aus der Stadt vertrieben / vnd vns vnseres
befohlenen Amptes / mit höchster schmerzen der armen
Kirchen entsetzet / Denn wir wollen euch hiemit lieber
Daniel von Bueren/Brant/ Basmer / Kenckel / wie ihr
heißt/ mit ewrem anhangе semplich vnd sonderlich / trotz
haben geboten / für jedermenniglich hohes vnd nidriges
standes/das jr vns nicht eine vrsachen mit warheit köns
net oder müget anzeigen/darumb wir vnseres dienstes ent
setzet werden solten/ Sondern alleine diese/ das wir euch
gerne wolten selig gehabt haben/vnd zur Busse vnd besse
runge ewers lebens / auch die sünde zu meiden / vnd euch
für des Hardenberges falsche Lehre/ vnd andere Kotten/
Secten vnd Corruptelen/ so in Gottes Worte verdams
met/vnd als öffentliche Ketzerey vberzeuget/ euch zu hüten/
vermanet haben / Wie vns denn Gottes Wort solchs zu
thun auffgelegt vnd befohlen hat / wollen derwegen vns
schuldig sein an ewrem Blute/wir haben es euch gesaget/
vnd vnserе Seele gerettet.

Sie schreien vnd ruffen sie nu gegen vns (wie denn
zu Goslar auff dem tage auch geschehen) damit sie ire sa
che schmücken/vnd derselbigen einen schein geben mögen/
Ihr habt gescholten Leute/so noch keines Irthumbes vber
zeuget/condemniret/vnd zur auffrhrur gehehet. Item jr
habt newrunge eingefüret / die Leute von der Tauffe ge
weiset / vnd habt es mit dem Glacio gehalten/vnd Kottes
rey angerichtet.

Antwort / Wir haben nicht gescholten / noch zur
auffrhrur geprediget (wie ewer Prediger Hardenberger ge
than) sondern wir haben euch zur Busse vnd besserunge
ewers lebens/vnd für der falschen Lehre des Hardenber
ges/gnugsam condemniret/zuhüten vermanet / Wissen
vns derhalben nicht zuerinnern/das wir jemals einen der
nicht.

nicht als ein Kecher vnd falscher Lehrer vberzeuget solten
condemniret/oder zur auffrthur geprediget haben/Wir ha
ben ewern auffrthur gestraffet/derhalben ihr vns so feind/
vnd in der Stadt nicht bey euch habet leiden wollen.

Ir thut wie die Welt gemeiniglich pffleget zu thun
vnd zu handeln/ wenn man ire sünde vnd laster straffet/
Spricht sie/ man predige vnd rede zur auffrthur / Mein
nicht also/wir wissen Gott lob wol(wie wir als einzele Per
sonen für vns gegen jederman thun vnd gesinnet sein sol
len/ Aber hie mus man das Ampt vnd Person wol von
einander sondern. Ein Amptman oder Landesfürst (da
er sein Ampt vbet) ist ein ander man / denn Hans oder
Friderich/ ein Apostel oder Prediger ein ander man/denn
Petrus oder Paulus/ Denn ein Prediger ist er/nicht für
seine Person/sondern von Gottes wegen.

Wo man nu vnser Personen vnschuldig verfolget/ le
steret vnd verfluchet/dazu sollen wir/vnd wollen auch von
herzen gerne / vnserem lieben Herren Gott im Himmel
dancksagen/denn er wird es vns / wie er denn vns in sei
nem Worte zugesagt mit reichen seggen widerumb beloh
nen. Aber wo man wider vnserer Tauffe/ Sacramente/
Predigampt gehet/so vns von Gott befohlen / vnd seine
Wort vnd seine ordnung handelt / da gebüret vns nicht
zu schweigen/ sondern vber vnserm befohlenen Ampte zu
halten/mit vermanen/drewen vnd straffen(wie S. Paul
us sagt) mit allem ernst/beide zur zeit vnd vnzeit / die so
nicht recht leren/gleuben/oder nicht jr leben bessern/vnges
acht wer sie sein/oder wie es inen gefalle / Wie D. Luth
spricht.

Weil denn in der Stadt Bremen/ von Hardenberg
falsche Lehre wider die Sacramente vnserer aller liebsten
HERRN vnd Heilandes Jesu Christi gesprengt/auch ofo
fentlich

fentlich verteidiget ward / vnd vnser arme Schefflein
damit verführet / vnd jr sampt den ewern derselbigen anhen
gig / vnd wider Gottes ordnung vnd befehl die ordentliche
Oberkeit sampt ewerm anhang auffrührischer weise vo
berfallen / haben wir bey verlust vnser Seelen heil vnd sel
ligkeit vnser Ampt thun / vnd euch vermanen / vnd die fals
sche Lere sampt ewern sünden straffen müssen / Hatten wir
es aber nicht gethan / sondern gesaget wie ewere ißige
Schwermersche leissentreter vnd Ohren krawer thun /
lieber Juncker Daniel vnd Brandt / etc. jr habt recht ges
than / das jr vber der falschen Lere des Hardenberges so fe
ste gehalten / vnd die Bürger zur auffrühr geheet / vnd den
ordentlichen Rath vberfallen habet / so hettē wir dafür am
jungsten Tage müssen rechenschafft geben / weren also ewe
rer sünden teilhaftig worden / vñ mit frembden sündē zum
Teufel gefaren / Düncket euch das wir zu viel haben ges
than / so vberzeuget vns nicht mit lügen / sondern mit rechte
te / wir wollen euch antworten / oder sprecht den darumb
an / der vns das Ampt befohlen hat / welcher heist nicht Da
niel von Bueren / oder Johan Brandt / Herman Bas
mer / oder Curt Kenckel / sondern der lebendige Gott vom
Himmel / der wird euch in seinem Worte eine kurze vñ rich
tige antwort geben / das wir nicht vnrecht in vnserm Amp
te / sondern recht gethan / jr aber vnrecht gethan / das jr vn s
also ins elende von vnseren Kirchen vertrieben habt / Vnd
ob irs noch nicht fühlet was jr gemacht / so werdet irs her
nachmals fühlen / da wird es gelten / da werden ewere lose
entschuldigung keinen raum haben / Summa haltet ihr
vns für auffrührische Prediger / so macht ihr hiemit alle
Propheeten / Christum den Sohn Gottes / vnd alle Apos
steln zu auffrührern / haben sie nicht also gethan / die sünde /
die Abgötterey vnd falsche Lehre gestraffet ?

Zum

Zum andern haben wir keine newrunge eingefüret/
sondern seind bey Gottes Wort/der Augspurgischen Con-
fession / vnd Apologia / den Smalkaldischen Articeln/
den schrifftten des heiligen D. Lutheri / vnd vnser Anno
34. ausgegangenen Kirchenordnunge/vnd bey der Lehre/
so für sechsthalf tausent Jarrn im Paradis erschollen/ge-
blieben/vnd haben vnser alte angezogene Kirchenordes-
nung für die handt genommen / daraus in der Kirchen zu
Bremen/so jemerlich durch den Hardenberg verwüestet/
vnd nu ganz alle gute Disciplin vnd zucht gefallen / eine
Reformation angerichtet/welche vom Erbarn wolweisen
ordentlichen Rathē zu Bremen/so ist vmb der Warheit
willen im elende /angenomen / publiciret / vnd von allen
Canzeln abgelesen worden ist/ Derhalben wir keine new-
runge eingefüret / Vnser gegenteil aber (vnd nicht wir)
nemlich der ist anwesende vermeinte Rath / sampt ihren
ingedrungenen Predigern haben newrunge eingefüret/
das sie vber Hardenberges Lehre/ welchs ein neue Lehre
ist/in Gottes Wort nicht gegründet/dauon auch die rech-
te alte Kirche nicht hat gewußt/halten / als recht vertei-
digen.

Das wir aber die Leute von den Sacramenten abge-
weiset/vnd damit newrunge solten haben eingefüret/seind
wir inen nicht stendig / Denn was wir darinne gethan
oder fürgenommen / haben wir nicht aus vnserm kopff ge-
than/ sondern dazu hat vns Gottes Wort gezwungen/
welcher spricht/ Das man die Perlen nicht für die Sewe
strewen/vnd das Heiligthumb den Hunden nicht geben
solle. Item (dieweil sie sich auff die Kirchenordnung fels-
schlich beruffen) haben wir hierinne auch derselbigen ge-
folget/ Darinne also wird geschrieben/das man dem ruck-
lossen vnd so verüchtiget/noch den die vnser Predigt nicht
achten/

achten/ ja viel mehr lestern vnd schenden / so lange sie sich nicht bekeren vnd bessern / das Sacrament nicht geben sol / etc.

Nu hat es sich zugetragen/ das etliche / als Basmer/ Curt Kenckel/ vnd andere so vnser Predigte nicht achten/ sondern gelestert vnd geschendet/ vnd es mit der irrigen verdampften Lehre des Hardenberges vnd Caluini gehalten/ in die Kirchen gekommen / vnd Gefatter zu der heiligen Tauffe stehen wollen / da wir vnser befohlen Ampt gethan/ sie freundlich vnd auff das aller gelindeste angesprochen/ vnd ires irthums/ sie dauon abstehen/ vñ ware Busse thun/ vnd sich bekeren wolten/ vermanet/ etc. Da entgegen sie sich also gegen vns mit drawen / auch mit mördtlicher Wehre auffgelenet/ das etliche von vns in etliche Kirchen haben jnen aus der Kirchen entweichen müssen / vnd hat der Basmer einen Prediger des andern tages darnach/ darumb das er jnen alleine freundlich vermanet/ auff der Gassen mit einem Spiesse oberlauffen / vnd ganz zu bodem geschlagen/ vnd hette ihn auch ganz ermordet / so er nicht in ein Haus dem Mörder entkomen/ vnd von guten Leuten were gerettet worden / Hier wolle doch vmb Gottes willen ein jeder Christ diese sache recht bedencken/ vnd wollen hiemit der ganzen Kirchen Christi diese sache zu vrtheilen vnterworffen haben/ ob vnser gegenteil nicht vnrecht/ wir aber recht gethan/ vnd gar keine newerunge eingefüret haben.

Zum dritten / das sie vns für Glaccianische Kotten ausschreien/ ist abermals irer Bubenstück eins/ Denn dies weil sie nicht mit warheit auff vns bringen können/ wollen sie ihre böse sachen also schmücken / vnd ire verdampfte Schwermerey damit decken/ vns aber mit solcher falscher aufflage vnd solchem namen vnterdrucken / vnd bey dem gemeinen

gemeinen Man verhasset machen / Wir wissen von feis-
ner Koterrey/haben vns auch niemals einigen Menschen
in der ganzen Welt anhengig gemacht/Koterrey mit im
zu machend. Wir sind nicht im namen Glaccij Illyrici/
sondern im namen Christi getauffet / derhalben wir vns
desselbigen beruffen/vnd auch seine Diener seind. Was
der Herr Illyricus aus grundt der heiligen Schrift/vnd
aus Gottes Wort/wider die Secten vnd Corruptelen so
ist verhanden oder sonst geschrieben/laffen wir vns gefal-
len/ Vnd halten vns auch so ferne zu dem Herrn Illyri-
co/vnd zu allen andern Lehrern / so sie vns auff Jesum
Christum schlecht vnd recht / ohne einige deutelen vnd
Menschliche Blossen weisen/vnd denselbigen zu hören be-
fehlen. Lieber haben wir damit Koterrey angerichtet? so
werden alle liebe frome Gottselige Christen für Koterrey
vnd Secten macher gescholten / Aber was wollen wir
vns doch viel in der Refutation / dieser Teuffischen Cal-
umnien vnd falschen aufflage bemühen / Es ist schon
gnugsam durch den Ehrwürdigen vnd Hochgelarten vns-
seren lieben Herren vnd Vater in Christo D. Joachio-
mum Mörlinum/in seiner verantwortung/ diese Calum-
nia abgelenet/vnd confutiret worden / dabey wir es zu
dieser zeit beruhen vnd wenden lassen.

Ferner dieweil der gegenteil/der vermeinte oder selbst
erwachsene Rath nu gesehen/das sie der sachen zu viel ge-
than/vñ in iren lügen/wie sie wol verhoffet/nicht bestehen
können/ wolten sie sich gerne from machen / vnd den vns
glimpff/auff einen Erbaren / recht erwelten Rath / auch
auff vns Prediger/vnd die fromen Bürger (so sie aus der
Stadt omb der Warheit willen / wider Gott / recht vnd
alle billigkeit / von Haus / Hoff / Weib vnd Kindern/
H haben

haben vertrieben) so es inner möglich/ bringen. Derwe-
gen sie ein Mandat haben publiciren / vnd den 25. Julij
dieses jzt lauffendens Jares lassen an-schlagen / darinne
sie/nach dem sie hin vnd wider werden für Sacramentis-
rer vnd Wider-teuffer (mit warheit) ausgeschrien vnd an-
gegeben/ für ire Person (mit vnwarheit) bekennen vnd
auschreiben/ Das sie bey der Prophetischen / Apostolis-
schen/ Euangelischen lehre/ auch der Augspurgischen Con-
fession/ dem Catechismo Lutheri / vnd der Bremischen
Kirchenordnung / etc. geblieben sein / vnd dagegen keine
Secten gestadtet haben / noch jemals einzureumende ge-
neiget gewesen/ Zum andern/ befehlen sie iren Predigern
sich darnach zu halten/ etc.

Ist das nicht ein grosser schein für der Welt? Also
mus man die armen einfeltigen betriegen/ vnd vnwissento-
lich im Irthumb behalten / die sonst noch köndten selig
werden/ vnd sich für dem Teufel vnd seinem Giffte hüten/
wenn die losen Leute öffentlich heraus ihren Irthumb/
vnd falsche meinung / vom Abendmal des HERREN/
den sie im herzen haben/ bekenneten. Aber die einfelti-
gen/ die des Teufels betrug vnd list nicht erkennen/ wenn
sie solchs hören oder lesen / fallen sie ihnen vnwissentlich
bey/ vnd schreien / Ey was wil man von den Bremern
haben/ man thut inen gewalt vnd vnrecht / das man sie
für Sacramentirer ausschreiet/ haben sie doch ein Man-
dat publiciren vnd ausgehen lassen/ in welchem sie sich zu
der Augspurgischen Confession / vnd den schrifftten D.
Lutheri bekennen/ vnd auff die Göttliche heilige schrifft
beruffen/ Was wil man doch mehr? Höre lieber Geo-
selle/ halt vmb Gottes willen ein wenig stille / las dich
nicht also betriegen/ vnd durch solchen falschen schein ver-
füren/

füren / Wir wollen dem Wolffe den Schaffopeltz abziehen/das du in erkennen mügest.

Fürs erste/ Das sie mügen ire Bos-
heit/ Auffrühr vnd Schwermeren schmücken/so beruffen sie sich auff Gottes Wort/ das ist / die Prophetische/ Apostolische vnd Euangelische lehre. So hat in gleicher gestalt sich der Teufel auch auff Gottes Wort / Matth. 3. Item Luc. 4. da er den H E R R N in der Wüsten versuchte/beruffen / Also haben sie sich von anbeginne her/alle Kezer/ das sie möchten einen schein haben / auff die schrift beruffen / Christus spricht / Wer mich siehet / der siehet den Vater / etc Mit diesen vnd anderen sprüchen / hat sich der Sabellius behulffen / vnd daraus beweisen wollen/ das Vater/ Sohn / vnd heiliger Geist/ nur eine Person were. Item / so spricht die schrift/ Johan. 14. Der Vater ist grösser denn ich / etc. Auff diese vnd andere schrift hat sich Arius beruffen/vnd das mit sich beholffen / vnd daraus beweren wollen / Das Christus nicht warer Gott were/ eines wesens vnd einer Natur / mit Gott seinem Himelischen Vater. Die schrift spricht/ Philip. 2. Christus verringerte sich selbst/vnd nam die gestalt eines Knechtes an sich / etc. Auff diesen spruch vnd diese schrift hat sich der Marcion beruffen / vnd daraus wollen beweisen / Das Christus nicht einen waren natürlichen leib von Marien der Jungfrawen an sich genommen hette / etc. vnd so fort an. So beruffen sich die Bremer in gleicher gestalt auff die Euangelische vnd Apostolische Lere/ Seind sie bey der Prophetischen / Apostolischen / Euangelischen Lehre geblieben? Worumb haben sie Auffrühr angerichtet? Ihre
H 2 rechte

rechte ordentliche Oberkeit oberfallen vnd vertrieben/ vnd
sich in ire stedte gesezet? Welches in der Prophetischen/
Apostolischen/ Euangelischen lehre ist verboten/ Denn
die schrift spricht/ Rom. 13. Ein jederman sey vntertheo-
nig der Oberkeit/die macht ober in hat/ Denn da ist keine
Oberkeit/denn allein von Gott/ etc. Item/ seind sie
bey der Euangelischen vnd Apostolischen Lere geblieben/
warumb glauben sie nicht derselbigen/ Was spricht nu
die Euangelische vnd Apostolische schrift vom Nachto-
mal? Die spricht also/ Unser HErr Jesus Christus
in der Nacht/ da er verrhaten ward/ nam er das Brodt/
dancket/ brachs/ vnd gabes seinen Jüngern/ vnd sprach/
Nemet hin/ esset das/ nemlich das Brodt/ das ich euch dar-
reiche mit ewrem leiblichen munde zu essen/ ist mein leib.
Was für ein leib? Nicht ein figurlich oder Sacramento-
lich leib/ sondern der für euch gegeben wird/ das ist ein
wesentlich vnd warhafftig leib/ Das gleubet der Danis-
el sampt seinem Preceptore Hardenberg/ vnd seinem an-
hange nicht/ darumb sie sich felschlich auff die schrift be-
ruffen. Derwegen lieber Mensch/ soltu vleissig zuse-
hen/ das du deine augen/ durch diesen falschen schein nicht
dir lassst verblenden/ Es gehet als die Christliche Kirche
singer/ im 124. Psalm/ Ach Gott der tewre Namen
dein/ mus ihrer schalckheit deckel sein/ du wirst ein mal auff-
wachen. So mus der liebe Gott im Himmel herhalten/
vnd irer schalckheit vnd mutwilliger bosheit ein deckel sein/
Aber er wird gewislich auffwachen/ vnd eines mit ihnen
reden in seinem zorn/ Vnd nach dem sie ire bosheit also
schmücken/ vnd ire sünde nicht erkennen/ mit seiner grim-
migkeit sie erschrecken/ da sehet vnd mercket eben auff ihr
lieben Bremer.

Sum

Zum andern/ Eben wie sie sich auff
die schrift beruffen / also beruffen sie sich auch auff die
schrifte vnd das edele güldene Buch den Catechismum
des heiligen tewrbaren mannes Gottes / vnseres lieben
Preceptoris D. Lutheri/darinne vnserer Lehre vnd Con-
fession also bestetiget/vnd des Hardenberges Lehre / dar-
mit es die Bremer halten/ confutiret ist/das es ein Kind
von fünff oder sechs Jahren kan erkennen / halten sie es
mit dem Luthero vnd seinem Catechismo/ Warumb nenn-
et denn der Hardenberg(wie droben angezeiget) D. Lu-
theri Bekentnisse vom Abendmal / in Epistola, ad M.
Camferbechum, horridam Confessionem, das ist/ eine
scheusliche Bekentnisse/ Aber so mus man den armen ein-
feldigen Leuten Brillen verkauffen. Sie wissen wol/
das die namen Zwinglii/ Caluini vnd dergleichen/dem ge-
meinen Man in diesen Landen vnd Kirchen verhoffet
sein/ Darumb müssen sie also iren Irthumb mit dem na-
men des heiligen Lutheri schmücken. Wie denn der lie-
be Lutherus/ als ein rechter warhafftiger Prophet / durch
den heiligen Geist / solches zuorn gesehen vnd erkandt
hat/ das es seinen Büchern also gehen würde / das sich
die Keker damit behelffen würden. So spricht er / ober
das 26. Cap. des Ersten Buchs Mosi / Nach meinem
tode/werden viel meine Bücher herfür ziehen / vnd dar-
aus allerley Irthumb / vnd ihre falsche Lehre bestetigen
wollen.

So schreibet er auch in der Vorrede / ober die heupt
Artickel des Christlichen Glaubens / wider den Papst/
vnd der Hellen Pforten zuerhalten / die man sonst die
Smalkaldischen Artickel nennet / etc. Was sol ich sa-
gen/ wie sol ich klagen / Ich bin noch im leben/ schreibe/
H 3 predige/

predige/ lese teglich/ noch finden sich solche giftige Leute/ nicht allein vnter den Widersachern/ sondern auch falsche Brüder/ die vnsers theils sein wollen/ die sich vnterstehen meine schrift vnd Lehre stracks wider mich zu führen/ lassen mich zusehen vnd zuhören/ Ob sie wol wissen/ das ich anders lehre/ vnd wollen ire gift mit meiner arbeit schmücken/ vnd die armen Leute vnter meinem Namen verführen/ Was wil doch inermehr nach meinem Tode werden? Desselbigen mag man mehr in Luthero lesen.

Desgleichen schreibet D. Lutherus auch im Brieffe an die zu Franckfordt am Mein/ Ich weis dem Teufel vnd seinen Aposteln das wol zugetrawen/ wo sie können meine wort verkeren/ vnd darnach mit meinem Namen die Leute verführen/ das sie es am guten willen nicht feilen lassen/ wie etliche derselbigen Kotte/ mir oft gethan/ vnd meine wort auff ihre meinung gezogen/ Vnd zu lest ein Sermon (von mir geprediget/ ehe denn der Sacramentierer Kotte gehört/ gedacht oder genennet war) widerumb liessen drücken/ Vnd weil sie die wort (Brod vnd Wein) darinne funden/ solte der Luther schlecht mit ihnen geschwermet haben/ vnangesehen/ das der Sermon selbst sich gnugsam verantwortet.

Also hat der Daniel von Bueren auff dem Rathhaus zu Bremen/ da das Colloquium solte mit Hardenberg gehalten werden/ in beywesende der vier Doctoren obgenant/ auch eines Erbarn Raths vnd anderer seiner Leute/ seinen Zwinglischen Irthumb vnd meinung/ das der Leib Christi alleine mit dem Glauben/ vnd nicht mündtlich würde empfangen/ aus den Büchern Lutheri/ zu beweisen sich vnternomen. Da ihm aber der ganze Text ist fürgelegt/ ward er mit seinem eignen Schwerdt geschlagen/

gen/ vnd ist also mit schanden bestanden. Desgleichen hat der lose Bube vnd Mammeluck Schlunckawe/ aus angezogenem Sermon des heiligen Lutheri / seinen Irthumb vnd falsche meinung vom Abendmal / da er abgesetzt/ wollen bestetigen/ vnd denselbigen zum deckel seiner Schwermerey herfür gebracht. So ist der Irthumb vnd Ketzerey des Osianders so gewaldig in des heiligen Lutheri schriften/ allenthalben beygelegt vnd confutiret worden/ als es jmer mag möglich sein / Dennoch hat er sich auff den Lutherum vnd seine schrifft dauon beruffen/ Das sehen wir in vielen andern zu dieser zeit auch/ wie sich alle Secten mit dem Namen vnd schriften Lutheri schmücken/ Darumb las dich lieber Christ/ durch das falsche beruffen der Bremer auff den Catechismum Lutheri nicht versüren/ sondern siehe vleissig zu/ der Wolff ist mit einem Schaffespelze bedeckt vnd beskleidet.

Zum dritten / Beruffen sie sich auch auff die Augspurgische Confession. Wie können sie doch jmer so vnverschampt sein / das sie sich nicht alleine auff die heilige Göttliche schrifft / vnd den Catechismum Lutheri/ sondern auch auff die Augspurgische Confession/ vnd die Kirchenordnung beruffen / Es gehet recht/ als jener sagt: Qui semel uerecundia limites transcendit, eum oportet gnauiter esse impudentem. Haben sie doch auff den Keyserlichen Commissarien tag sich öffentlich lassen vernemen / Das Hardenberges Lehre nicht vnrecht/ vnd wider die warheit were. Item / hat doch der Daniel von Bueren (wie wir droben haben angezogen) da er vns auff dem Rathhaus vnser Ampt / ohne einige
ursache

ursache hat auffgesagt / sich in beywesend der dreyer ordentlichen vnd recht erwellten Bürgermeistern Herren Lueder von Belmar (seligen) Herren Dethmar Kencfel / Herrn Johan Esichs / öffentlich vnd helle heraus gesaget / Das er sich für denen sampt seinem anhang / die des Hardenberges Lehre anhengich were erkenten / Was der Hardenberg nu der Augspurgischen Confession für eine Nase gemacht / vnd wie er die verstehet / haben wir droben gehöret / Also verstehet der vermeinte Rath die selbige Confession auch / wenn also ein jeder nach seinem kopff vnd aus seinem verstande Glossen machte / was wolte endlich daraus werden / so würde man nichts gewisses in der schrift oder andern Büchern behalten. Der helle klare Buchstabe stehet da / da bleiben wir bey / vnd machen anders keine auslegung oder bedeutung / Von dem Abendmal des HEILIGEN wird also geleret / Das warer Leib vnd Blut Christi warhafftiglich / vnter der gestalt Brodtes vnd Weines im Abendmal gegenwertig sey / vnd da ausgetheilet vnd genommen werde / Derhalben wird auch die gegenlehre verworffen / etc. Da stehen die hellen klaren worte / die können nicht ausgeleschet / gedenet oder anders gedeutet werden.

Der Caluinus / Lasco / vnd andere beruffen sich auch auff die Augspurgische Confession / aber machen ihr auch eine Nase / vnd deuten sie noch ihrem eigenen kopff / wie denn in iren eigenen schriften zu sehen / So wollen sich alle Secten vnd Kotten eben wie mit den schriften D. Lutheri / also auch mit der Augspurgischen Confession behelffen.

Wiltu aber eigentlich / lieber Christ / wissen / was ihre
meinung

meinung sey/ vnd wie sie die Augspurgischen Confession
verstehen/ so sihe ire faul Buch an/ welchs sie vnter dem
namen der jenigen so Predigt im Thumb hören / haben
lassen ausgehen / da wirstu den rechten verstand finden /
Denn sie sagen vnd schreiben also / Das irdische Brodt/
im gebrauch des heiligen Abendmals/ist der ware leib Sa
cramentlich/welchen vns der Kirchendiener gibt/ vnd wir
essens mit dem leiblichen munde/durch denselbigen Kircho
endienst/vnd Sacrament/gibt vns der Sohn Gottes selo
best seinen natürlichen wesentlichen leib/für vns gecreuzis
get/gestorben/wider auffgestanden/etc. Welchen wir emp
pfahen müssen im Glauben/ mit dem herzen / vmb seiner
lebendigmachenden krafft vnd gnade zu geniessen / jedoch
durch das auswendige Sacrament / welchs wir mit dem
munde essen / vmb der Sacramentlichen vereining wils
len/zwischen dem Brodte vnd Leib Christi/vnd dasselbige
auch mit dem Glauben/ etc.

Hie gib lieber Christ achtung auff die wörter/ so wir
stu den betrug erkennen / Sie sagen / das Brodt im ges
brauch sey der Leib Christi / Sacramentlich / sie wolten
gerne sagen/ Brodt bedeutet den Leib Christi / oder ist ein
zeichen vnd eine figur des leibes Christi/ Aberdamit sie es
nicht zu grob machen/vñ den einfeltigen Brillen verkeuf
fen/vnd die augen mügen blenden/sagen sie Sacrament
lich/ Im grunde aber ist ire meinung das/das Brodt nicht
sey Christi warer wesentlicher Leib/an einige Glossa / das
für vns gegeben ist / sondern das es sey ein zeichen des
abwesenden Leibes/vnd dem Brodte nur der name des ab
wesenden Leibes (per Metonymiam wie die Gelerten
was das für eine figur sey/wissen) gegeben werde / Wie
denn der Hardenberg/diese ire meinung fein verfleret in
J der

der schrifft/ Anno 59. Festo corporis Christi, dem Capittel zu Bremen vbergeben / wie desselbigen wir droben. auch gedacht/ Da spricht er/ das nicht der ware Leib sey gegenwertig im Abendmal/ sondern der Sacramentliche Leib/ das ist Brodt vnd Wein / wie er sich selbst verkleret/ So wollen sie nu / das derselbige Sacramentliche Leib/ nemlich Brodt vnd Wein/ vnd nicht der ware Leib / mit dem munde/ der Leib aber allein geistlich durch den Glauben empfangen werde / Verstehen also durch das wörtlein Leib/ nicht den warhafftigen gegenwertigen/ sondern den abwesenden Leib/ oder die krafft vnd frucht des Leibes Christi/ den sie alleine im Himmel setzen/ vnd nicht glauben/ das er hienieden auff Erden/ in allen Abendmalen/ da es nach Christus Worten vnd befehl wird gehalten wesentlich vnd warhafftiglich gegenwertig sey/ wie denn diese ire meinung vom Hardenberg durch die gleichnisse von der Sonnen verkleret / vnd weiter an den tag gegeben wird. Also verteidigen sie auch in dieser ihrer schrifft diese Zwinglische vnd Calvinische meinung/ das nicht die vnglaubigen vnd bösen Christen / den waren Leib vnd Blut Christi/ sondern alleine Brodt vnd Wein / wider den heiligen Paulum/ Lutherum/ vnd den Consensum der alten rechten waren Kirchen empfangen. Wie denn der Hardenberg in seinen Positionibus auch thut melden / Denn er schreibet/ das von den unwirdigen nicht solle gedacht werden/ welches denn ein gewis zeichen ist/ dabey man die Engliant/ als der heilige Luth. schreibet/ erkennen kan/ Dershalben auch die von Zürich/ darumb das dieses Artickels/ das nemlich nicht alleine die wirdigen/ sonder auch die unwirdigen den Leib vnd Blut / da die worte vnd einsetzung Christi werden gehalten/ empfangen / die Formulam des vertrages zwischen dem Herrn D. Martinum Lutherum vnd

vnd den Wittenbergischen/ vnd der Oberlendischen Kir-
chen Theologen gemacht vnd auffgerichtet / nicht haben
annemen wollen/ Denn wo dieser Artikel schlecht vnd
recht nachgegeben/mus auch das mündliche essen vnd trin-
cken/vnd die wesentliche gegenwertigkeit des Leibes vnd
Blutes Christi im Abendmal vnwidersprechlich nachges-
geben werden.

Also kanstu lieber Christ/so du mutwilligen dich nicht
wilt verführen lassen / aus dieser verflerung gründlich ses-
hen vnd erkennen/was ire meinung / vnd wie sie sich auff
Lutheri Catechismum vnd die Augspurgische Confession
beruffen/ Ob nu aber noch etliche weren/die hieran zweis-
ueln möchten/oder solchs nicht gleuben köndten/ demselbis
gen wollen wir mit dem lieben Luthero solchen rath ges-
geben haben/das sie nur frey zu dem Daniel von Büren/
vnd seine newe auffgestellte Prediger / den Cornelium
Glunckraben/oder wie die Fantasten heissen / gehen oder
senden)vnd sie fragen lassen / das sie deutlich heraus sa-
gen/ob das Brodt ohn alle deuteley der ware wesentliche
leib Christi sey/etc. Item/was das sey/das der Prediger
dir mit seinen henden reicht/vnd du mit deinem munde em-
pfehest/ So sie nu auffrichtig mit dir handeln / vnd nicht
(wie sie in irem Mandat thun) vnter dem Hütlein spiez-
len / vnd Num Num sagen wollen / so werden sie von
stund an bekennen müssen/das der leib Christi nicht wars
hafftig vnd wesentlich hier auff der Erden in allen Abend-
malen/da es recht durch die ganze Welt wird gehalten/ge-
genwertig sey / vnd der Prediger dir nicht denn schlecht
Brodt vnd Wein reiche / vnd der mundt nicht den waren
Leib vnd Blut/sondern alleine schlecht Brodt vnd Wein
empfange / So sie aber in ihren gekelsack weiter hinein-
J 2 tasten/

casten/den Brey im maul umbher werffen/ vnd viel vmb
schweiffe/ wie sie denn meisterlich thun / vnd also die ein
feldigen verführen können / so bleib du schlecht vnd recht
bey deiner frage/das sie dir ohn alle Ambiguitet / darauff
richtig antworten wollen/so wirstu iren betrug leichtlich
sehen vnd erkennen.

Weiter seind sie bey der Propheti-
schen/Apostolischen/Euangelischen lehre / bey der Augo-
spurgischen Confession/bey dem Catechismo des heiligen
Lutheri/ Item bey der Kirchenordnung geblieben / wars-
umb haben sie vns denn/ die wir vns nicht alleine mit den
henden / sondern auch mit dem munde/ vnd von herzen
schlecht vnd recht dazu erkennen/vertrieben/ vnd dafür an-
dere schwermerische Prediger / die denselbigen Schrifft-
ten vnd Bekenntnissen/auch der Kirchenordnung zu wider-
widerumb in unsere stete auffgestellet? Denn ihre ist
ausgesendte Prediger nicht allein mit dem Irthumb von
dem Abendmal / sondern auch mit dem Irthumb von
der Tauffe behafftet sein / das sie des Caluini meinung/
das aus Christlichen Eltern Christliche Kinder werden
geboren/verteidigen / Wie denn der Cornelius solches
von der Cankel gesaget/vnd von vielen gehört/ vnd auch
auffgezeichnet worden ist/ Damit denn ganz die Erbsün-
de verleugnet wird/auch wider die heilige Schrift/der al-
ten Kirchen Lerer (das wir hie des Lutheri vnd anderer
Gottseliger Lerer geschweigen) auch wider die Kirchen-
ordnung gehandelt vnd geredet wird. Denn die heilige
Schrift spricht/ Johan. 3. Was vom Fleische geboren ist/
das ist Fleisch. Item I. Corinth. 15. Fleisch vnd Blut
wird das Reich Gottes nicht besitzen. So spricht der heil-
lige David / Psalm. 51. Ich bin aus sündlichem samem
gezeuget/

gezeuget/vnd meine Mutter hat mich in sünden empfangen. Item der heilige Paulus spricht/Ephes.2. Das wir Kinder des zorns sein von Natur. So spricht der heilige Augustinus/Psalm 51. Das auch ein Kind von einem tage für Gottes angesichte nicht reine sey. Also spricht er/Ser. 41, de uerbis Apostoli: Das wenn man mit dem Kinde der gleubigen zur Tauffe eilet/das die Eltern nicht in dem wahn oder der meinung sein sollen / als wenn das Kind gleubig geboren were/Denn spricht er/ sie können sagen/das es geboren/aber nicht widergeboren sey. Aus dieser ursachen nennet der heilige Hilarius lib. 6. de Trinitate die Tauffe ein Sacrament des Heils. Derhalben auch der heilige August. Epist. 28 spricht / Das der jenigen die den Kinderchen die seligkeit ohn die Tauffe zusagen/oder das aus Christlichen Eltern Christliche Kinder geboren werden/der Apostolischen lehr zu wider sein/ vnd die ganze Christliche Kirche verdammen.

Aus diesem grunde/nach dem sie sagen/das aus Christlichen Eltern Christliche Kinder sollen geboren werden/haben etliche den Exorcismus aussen gelassen/vnd also in dem stücke nicht alleine von der Kirchen ordnung abgetreten/sondern auch wider den gebrauch der alten Christlichen Kirchen gehandelt vnd noch handeln / Denn der Exorcismus stets vnd alle wege / in der Christlichen Kirchen ist gebreuchlich gewesen / Davon mag man lesen Gregorium Nazianzenum, oratione 3. in lauacrum, &c. Item den Optatum Mileuitanum, im vierden buche wider den Parmenianum. Item August. lib. de Nuptijs & concupiscentia carnis, cap. 20 De peccatorum meritis & remissione, cap. 33. de Symbolis, uel Regula fidei ad Catechumenos, lib. I, cap. I.

J 3

Also

Also halten sie die Tauffe so in der not / nach Christo
sus befehl ordnung vnd wort geschicht / für nichts vnd
von keinen wörden / Darüber sie denn auch vnrecht
thun / vnd wider die Kirchenordnung handeln / Denn in
der Kirchenordnung D 4. stehet geschrieben / das er wider
Gott vnd alle lehre sey / das man die getaufften Kinder / im
Hause in der not getaufft / noch als vngetaufft für die Pri
ster bringen / vnd sie noch ein mal tauffen lasse. Nach dem
die Christen nur eine Tauffe haben / Ephes. 4. Wird der
halb also in der Kirchenordnunge geschrieben vnd befoh
len / das die Kinder so in der not getaufft / in die Kirchen
sollen gebracht / vnd verhört werden / ob sie auch recht in
Gottes namen getaufft sein / da auch den Geuattern / dem
Kindechen / wenn es auffwechset / zum zeugnisse gegenwero
tig zu sein / befohlen wird. Vnd sol als denn der Predi
ger / nach laut der Ordnung / ein wenig von der widergeo
burt / das ist vergebung der sünden / durch Christus Tauffe /
das ist / seinen Todt erworben / vnd vns in der Tauffe wird
fürgetragen angeboten vnd ausgeteilet / reden / etc. vnd dar
nach den Glauben lesen sampt dem Vater vnser / vnd S.
Marcus Euangelion (Marci 10. Vnd das Gebet vber
das Kind sprechen / Der Allmechtige ewige Gott / etc.
Zum letzten / das auch sol der Prediger das Volck vermaa
nen / Gott zu dancken / das er das Kindechen hat angeno
men / durch Jesum Christum vnsern HErrn / etc.

Nu hat es sich zugetragen / das etliche Kinderchen
(wie den oft in solchen grossen Stedten pflegt zu gesche
hen) in der not nach Christus wort getaufft waren / Wers
den derhalb nach altem gebrauch // in die Kirchen geo
bracht / vnd wart der Segen begert / Der Prediger aber
hat sie wollen wider teuffen / vnd sich vernemen lassen / das
die

die Kinderchen vnrecht weren getaufft/derhalben auch die
Kinderchen ohne den Segen / aus der Kirchen widerumb
hat tragen lassen/ Also haben wir vns von glaubwürdigen
Leuten lassen berichten/die vns solchs aus der Stadt ges
sagt/das etliche vnter den Predigern/ein Kind oder mehr
vielleichte/so in der not getaufft/sollen wider getaufft ha
ben/etc. Wie können sie sich nu auff Gottes Wort/ auff
die Augspurgische Confession / den Catechismum Luth.
vnd die Kirchenordnung beruffen / so sie es doch im grun
de/so war als Gott lebt.(sie mügen sagen was sie jmer wol
len) nicht meinen.

Zum letzten / Halten sie es mit der
Augspurgischen Confession/dē Catechismum Lutheri/2c.
Warumb haben sie nicht allein vns / sondern auch den
M. Dauidem Ziegenhagern/Rectorem/vnd M. Nicola
um Strofrancium/Conrectorem / alle beide zween auff
richtige frome gelerte vnd Gottselige Menner/die viel bey
der Jugend vnd der Schulen gethan / vnd wie auffrichti
gen Gottseligen Leuten geziemet/in irem dienste sich ge
halten/vnd der Augspurgischen Confession/den schriften
des heiligen Lutheri / vnser vnd der Sechsischen Kirchen
Confession verwant/vnd denselbigen von herken mit vns
subscribiren/vnd den ist schwebenden Corruptelen feinde/
welchs zeugnisse wir jnen hier als vnsern lieben mitbrü
dern gerne für Gott vnd der gansen Welt geben / sampt
iren fromen Gesellen auch vertrieben/vnd verjaget / vnd
dafür andere Zwinglianer vnd Calvinisten widerumb in
ire stedte gesetzt/welche die arme Jugend ist also jmer
lich in abgrund der Hellen hinein führen.

So haben sie den Mosanum / einen rechten offent
lichen

lichen Calvinisten / so zuuorn bey der Schule gewest / die Schule befohlen / Item den Hermannum Winckel / so sich öffentlich als einen Sacramentirer vnd Calvinisten in seinen Lectionibus / auch für dem ganzen erbaren Rasche hette lassen vernemen / vnd damit die arme Jugend nicht möchte verführet werden / war abgesetzt / widerum in das Ampt gesetzt / Das also nicht allein die Kirche / sondern auch die Schule vergiffet / vnd mit Calvinischer / Zwinglischer lehre behafftet / wie wir denn dasselbige mit der Schulgesellen iren Dictatis beweisen / vnd inen zu jeder zeit für die Nasen legen können. Denn sie haben in der Marterwochen der armen / vnuerstendigen Jugend gedictiret vnd geleret / das das Brode nicht Christi Leib sey / Item das die forme zu reden (die doch stets vnd alle wege in der Kirchen seind gebreuchlich gewest) in / vnter / oder mit dem Brode / vnrecht sein solte / etc. mit weiterem.

Aus diesen allen / welches wir nach der lenge erzelet haben / hat nu ein jeder fromer Christ / dem die Warheit vnd Gottseligkeit lieb / leichtlich zu erkennen vnd zu urteilen / das nicht wir Prediger (wie man vns schulde gibet) sondern der gegenteil / Hardenberg / Daniel von Bueren / Johan Brant / Herman Basmer / Curt Kenckel / Brun Reimers / etc. vnd ir anhang / so es mit inen gehalten / des Lermens vnd der zurrüttung vnd verwüstunge in der Stadt zu Bremen ein vrsach sein / Nach dem sie also mit Auffrur vnd gewalt fort gefaren / wir aber darntgegen / zum friede / zum gehorsam vnd zur einigkeit vermanet / vnd darüber auch leiden / das lohn aller Propheten vnd Aposteln / vnd aller trewen Prediger / haben empfangen müssen / Desgleichen das auch nicht wir / sondern sie von Gottes

Gottes wort/der Augspurgischen Confession/ den schrift
ten Lutheri / vnd der alten Kirchenordnung (darauff sie
sich felschlich beruffen) sampt iren irigen anwesenden Pre
digern abgetretten / Wir aber dabey geblieben / vnd wil
Gott dabey / bis in vnser gruben hinein/ zu bleiben ges
dencken.

Vnd was wir nu hie geschrieben/
vnd für der ganken Welt gezeuget haben / darauff wollen
wir vnsern Widersachern fushalten / vnd ins maul hin
ein gesaget haben/ Vnd ob sie schon hiergegen sich mit lüo
gen (denn mit warheit können sie nichts) wolten auffles
gen/wollen wir inen nichts antworten / Denn wir wissen
(vnd jr eigen Gewissen mus sie selbst vberzeugen) das es
die warheit sey / was wir hie geschrieben haben / wie vns
denn dasselbige auch vnser lieber HErr Jesus Christus
an jenem tage zeugnisse geben/vnd vnser vnschuld weiter
an den tag bringen wird/ auff welchem wir denn vns auch
wollen zum ersten beruffen haben/daselbst wollen wir sie
als Verstörer/vnd verwüster der Kirchen vnd Auffrühr
rer/sampt der lieben Kirchen/ die sie so herzlich betrübet/
anklagen/da werden wir sehen/ In wen sie gestochen/vnd
was sie gemacht haben/ Denn sie haben nicht vns allein/
sondern den Sohn Gottes vnsern HErrn Jesum selb
best angetastet/dem sollen vnd werden sie rechenschafft ge
ben/vnd jr lohn/welchs sie verdienet / welchs inen vnd als
len den jenigen / so vnserm HErrn Christo vnd seinem
Worte feind sein (es sey denn das sie ware Busse thun/
vnd sich bekeren) empfangen / Vnd wollen inen hiemit
abermals freymütig trost gebotten haben / das sie vns keis
nerley vrsache anzeigen können / darumb sie vns mit bilo
R ligkeit

ligkeit also wie sie gethan/handelen/aus der Stad vertrieben/vnd vns vnser von Gott befohlen Ampt nemen solten/Sondern allein diese/das wir vnser Ampt nach Gottes befehl recht gebrauchet / ire sünde vnd die falsche lehre Hardenberges gestrafft/vnd in jr Gottlosses wesen nicht haben bewilligen wollen / Sagen derhalben mit dem heiligen Propheten David von grund vnser hertzens/so war vns Gott zur seligkeit helffe/ **HEX** vnser Gott/haben wir solchs gethan (wie vns vnser gegenteil der vermeinte Rath zu Bremen/sampt irem anhang schult gibt) vnd ist vnrecht in vnsern henden/haben wir böses vergolten / denen so friedsam mit vns lebten / oder die / so vns ohne vrsache feind waren/beschediget/ So verfolge vnser feinde vnser Seele/vnd ergreiffe sie / vnd trette vnser leben zu grunde/vnd lege vnser Ehre in den staub / Amen / Lieber fromer Gott/du weißt es / vnd wirst es ein mal offenbaren.

Zum andern / Wollen wir vns hie mit/auff die Römische Key. M. auff die Chur vñ Fürsten/ Graffen/ Freyherrn/ Stedten vnd Stenden/des heiligen Römischen Reichs/ auch alle Theologen / Schulen vnd Kirchen im ganzen Deutschen Landen / so der Augspurgischen Confession vnd Apologia / den Smalkaldischen Artickeln/den schrifftten des heiligen Lutheri/vnd andern Gottseligen Lerern verwant/vnd denselbigen von herten nach laut des Buchstabens / subscribiren / zu verantwortung erbotten haben. / Was wil man doch vmb Gottes willen mehr von vns armen verjagten Predigern haben?

Bitter.

WZten demnach die Römische
Keyf. M. auch Chur vnd Fürsten / vnd
andere Stende des Reichs / vnd sonder
lich den löblichen Niedersechsischen
Kreis dieser sachen abhelffen / vnd die
schedlichen verdampften Secten der Sa
cramentirer vnd Caluinisten / die fast
hin vnd wider zurrüftung vnd verwü
stung in Stedten / Landen vnd Kirchen
anrichtet / wehren wollen / Damit nicht
allein in der Stadt Bremen / sondern
auch anderswo / da die Secte fast vber
hand genommen / Gottseliger friede vnd
eintracht / so mit Gottes Wort vber
ein stimmt / widerum auffgerichtet / ge
pflanzet / vnd stetes erhalten werden
müge.

Der Allmechtige ewige Gott / Va
ter vnser lieben Herren Jesu Christi /
wolte dazu Gnade verleihen / vns bey
K 2 seinem

seinem Worte vnd der Warheit gnedig
lich erhalten. Dem Teufel/ allen Sec=
ten vnd Kotten weren vnd steuren/ vnd
die Schulen vnd Kirchen/ darinne Got=
tes Wort geleret/ die Jugend in den frei=
en Künsten anfferzogen/ gnediglich er=
halten/ vmb Jesus Christus seines ge=
liebten Sohns willen/ Dem sey sampt
seinem Vater vnd dem heiligen Geist/
einigen waren Gott / lob / ehre/
danc vnd preis in ewigkeit/

Amen/ Amen. Lieber

Herr Jesu/

A M E N.

Die namen der verjagten Predi-
ger / so sich zu diesem
Buch thun be-
kennen.

Eliardus Gegebade.
Joannes Selstius.
Sechmarus Tymanus.
Joannes Eluerfeld.
Joannes Bucheister.
Conradus Percu.
Heinricus Schroder.

Faint, illegible text, likely bleed-through from the reverse side of the page. The text is arranged in several lines and appears to be in a historical script.









1. 28
67 $\frac{9}{91}$

AB 67 $\frac{9}{91}$

x 21997 18

66.





Notwendige Ent-
schuldigung / vnd warhafftiger Bes-
richt / der vorragten Prediger zu Bremen /
auff die vorleumbdung ihres gegenheils / Dara
aus leichtlich zu sehen / wech theil bey der
Warheit / Augspurgischer Confes-
sion / vnd Schrifften D. Lu-
theri geblieben / oder dauon
abgetreten / vnd des
Lermens ein pro-
sach sey.

Matth. 5. Capit.

Selig seide ihr / wenn euch die Menschen vmb
meinen willen schmehen vnd verfolgen / vnd
reden allerley Bbels wider euch / so sie daran
liegen : Seidt frölich vnd getrost / Es wird
euch im Himmel wol belohnet werden : Denn also
so haben sie verfolget die Propheten / die für euch
gewesen sind.

M D LXIII